



增修詩話總龜卷之十

雅什門上



王安國平甫作詩多使酒樓語宋次道曰楊文公詩有酒樓江南堤柳拂人頭李白題詩遍酒樓錢昭度亦有一酒樓長憶錢塘江上望酒樓人散雨千絲今子詩有幾酒樓次道曰吾詩有二酒樓九江琵琶亭云夜泊潯陽宿酒樓琵琶亭畔荻花秋雲沉鳥沒事已往月白風清江自流又送客西陵云若耶溪畔醉秋風獵獵船旗照水紅後夜錢塘酒樓上夢魂應遶浙江東青箱雜記西方琥東州人鄭毅夫榜必第期集處告毅夫曰榜中琥最少年乞作探花郎毅夫云已差二人琥曰此無定員

添一員何損公吏曰前日琥第三甲合出鋪地錢二十
緡若作職事則不出錢琥曰願出錢毅夫從其請琥已
受符不出緡毅夫切責之而倍其罰琥白毅夫曰晚進
未嘗工詩願狀元先爲之以爲楷式毅夫曰綠袍不怕
露痕濕直入鬧花深處來他日復見毅夫曰一見雅詩
不敢下筆翌日當再進詩願公代之毅夫復云朝來已
與碧桃約留住春風不放歸聞者歎服翰府名談

成都慈光寺尼乘舟夜行一篇亦佳云水色連天色風聲
益浪聲旅人歸思苦漁父夢魂驚舉棹雲先到移舟月
遂行旅吟詩句罷猶見遠山橫

京師曹氏家藏阮步兵詩一卷唐人所書與世所傳多異

有數十首集中所無其一篇云放心懷寸陰羲和將欲
冥揮袂撫長劍仰觀浮雲行雲間有立鵠抗首揚哀聲
一飛冲青天疆世不再鳴安與鷄鷄徒翩翩戲中庭又
云嘉木不成蹊東園損桃李秋風吹飛雀零落從此始
更回睥孫巨源云此詩工夫不少刻之石

吳人方子通作古栢詩云四邊喬木盡兇孫曾見吳官幾
度春若使當時成大廈也應隨例作埃塵又作灩澦堆
詩湍流怪石碍通津一一操舟若有神自是世間無妙
手古來何事不由人舒王見而竒之雲齋廣錄

舒王得請金陵寓定力院題一絕於壁間云溪北溪南水
暗通隔溪遙見夕陽春思量諸葛成何事只合終身作

卧龍

天聖中禮部郎中孫冕詩三英詩劉元載妻詹茂光妻趙
 晟之母早梅寄遠惜別三詩劉妻哀子無立詹妻留夫
 侍母病趙母懼子遠遊孫公愛其才以取之早梅詩云
 南枝向暖北枝寒一種春風有兩般憑仗高樓莫吹笛
 大家留取倚闌干寄遠詩云錦江江上探春回消盡寒
 冰落盡梅爭得兒夫似春色一年一度一歸來惜別詩
 云煖有花枝冷有冰惟人沒後却無憑預愁離別苦相
 對挑盡漁陽一夜燈金華瀛洲集又據遺記梅花
 詩是女仙題蜀州江梅閣
 王元字文元桂林人苦吟風月終于貧病妻黃氏共持雅
 操每遇得句中夜必先起然燭供具紙筆元甚重之有

聽琴詩曰拂琴開素匣何事獨頻看古調俗不樂正聲

公自知寒泉出澗澁老檜倚風悲復有來聽者誰堪繼

子期好事者畫為圖郡閣雅談

僧虛中宜春人游瀟湘山與齊己顧栖蟾為詩友住湘江

西宗成寺潭州馬氏子扁振侍中好事每出即延納於

書閣中好燒柴火烟皆彩翠去後復節題馬侍中池亭

一云嘉魚在深處幽鳥立多時集首寄華山司空圖侍郎

云門徑放莎垂往來投刺希有時開御札特地掛朝衣

岳陽僧傳去天香鶴帶歸他時周召作無復更衰微司

空侍郎有詩言懷云十年華岳峰前住只得虛中一首

詩同前

唐大清真宮使翰林學士錢起多作佳篇入收起詩不過百
首有錢蒙仲得江行無題一百絕皆人家藏本所無有
云霽雲疎有葉雨浪細無聲穩放扁州去江天自有程
又憔悴異靈均非讒作逐臣如逢漁父問未是獨醒人
又烟渚復烟渚畫屏 畫屏引惹天末去數點暮山青
又隄壞漏江水地拗成野塘晚荷從不折留取作秋香

詩史

權常侍題山寺曰萬葉風聲利一山秋氣寒曉霜浮碧
薄日度朱欄又得即高歌失即休多悲多恨謾悠悠今
朝有酒今朝醉明日愁來明日愁

王駕大順中擢第為禮部員外郎棄官號守素先生與司

空圖鄭谷為詩友所為詩少傳者晴景一篇最佳云兩
前不見花間葉雨後全無葉底花蜂蝶飛來過牆去應
疑春色在人家

柳彥深塞上云鳴麟直上幾千尺天靜無風聲更乾碧眼
胡兒三百騎盡提金勒向雲看都下好事者畫為圖

歐陽文忠公酷愛鮑溶詩山中寒思一篇最佳云山深多
悲風敗葉與秋齊門逕非世路何入念窮棲哀風破山
起之雪悞鳴雞巢鳥侵旦出饑猿無聲啼心與動烟火
開雲伐冰溪老木寒更瘦陰雲晴亦低我負自力求顏
色常低迷時想靈臺下遊子正悽悽文忠晚得恨見之
遲今人少愛溶詩者



原件短缺

言詩終...
閩人謝伯初字景山天聖景祐之間以詩知名余謫夷陵
景山為許州法曹以長韻見寄頗多佳句有云長官山
色江波綠學士文華蜀錦張余答曰參軍春思亂如雲
白髮題詩愁送春蓋景山有多情未老頭先白野思到
春亂如雲之句故余此戲之景山詩頗多如自種黃花
添野景旋移高竹聽秋聲園林換葉梅初熟池館無人
燕學飛皆無愧唐賢仕宦不偶終以困窮而卒其詩因
錄于此云江流無險似瞿塘蒲峽猿聲斷旅腸萬里可
堪入謫宦經年應合髮成霜長官山色江波綠學士文
華蜀錦張異域化為儒雅俗遠民爭識校讎即才如夢
得多為累情似安仁久悼亡下國難留金客新詩傳

劉禹昭字休明婺州人少師林寬為詩刻苦不憚風雪詩
云句向夜深得心從天外歸言不虛耳懷蕭山隱者云
先生入太華杳杳絕良音秋海有時見孤雲無處尋神
清峰頂立衣冷瀑邊吟應笑于名者六街塵土深嘗與
人論詩曰五言如四十箇賢人亂着一字屠沽輩也覓
句者若掘得玉匣有底有益沮精求必得其寶在湖南
累為宰 卒於桂府幕有詩行于世郡閣雅談
廖融字元素隱于衡山與逸人任鵠王正己凌鑿王元皆
一時名士為詩相善湘守楊徽之代歸闕枉道出南岳
宿融山齋留詩曰清和春尚在歡醉日何長谷鳥隨柯
轉庭花奪酒香初晴岩翠滴向晚樹陰涼別有堪吟處

相留宿州堂融贈天台逸人云移檜託禪子携家上赤
城拂琴天籟寂歌枕海濤生雪白寒峰晚鳥歌春谷晴
又聞求桂檝載月十洲行又題寺古檜云何人見植初
老對梵王居山鬼暗棲托樵夫難破除聲高秋漢迴影
倒月潭虛盡日無僧遶清風長有餘亭山謠云琪不扶
踈繫辟邪麻姑夜宴紫皇家銀河旌節搖波影珠閣空
簫吸月華翠鳳引遊三島路赤龍飛別五雲車星稀猶
倚虹橋之擬就張騫搭漢槎退宮妓云神仙風格本難
儔曾從前皇翠輦遊紅躑躅繫金殿暖碧芙蓉笑水宮
秋寶車鈿剝陰厓覆錦帳香銷畫燭幽一旦也衰歸故
里月明猶夢按梁州左司諫張觀過衡山留詩曰未向

漆園為傲吏定應明代作徵君家傳奕世無金玉樂
經年有與噴帶雨小舟橫別浦隔花幽大吹深雲到頭
於為蒼生起公耕烟楚水濱融卒刺史何承矩葬之
進士

劉相公勣因白令公維持方入翰苑仍賜及第為同列所
輕因作詩曰曾是江波垂釣人自憐深厭九衢塵浮生
漸老年隨水往事曾聞淚滿巾已覺遠天秋色動不堪
閑夜雨聲頻多慚不是相如筆虛直金鑾接待臣待漏
院吟曰玉堂簾外燭遲遲明月初時契勘時聞聽景陽
鐘盡處兩鶯飛上萬年枝才調清高終秉釣衡廬懷
薛尚書釗為河東從事乞假歸寧題候館曰僕帶彫弓馬

似飛老萊衣上着戎衣郵亭不暇吟山水塞外經年皆
未歸後鎮徐州咏柳曰高出軍營遠映橋曾逢兵火一
時燒風流性在終難挫煖日還生萬萬條又有雅句坐
久僕頭出語多僧齒寒南部新書

吳門陸暢郎中嘗和人雪詩落句曰天人寧底巧剪水作
花飛又出齋看月云野性平生惟好月新晴半夜覩嬋
娟起來自爨書窓破恰漏清光落枕前後因雲安出降
百僚舉暢為儋相奉詔作催粧詩云雲安公主貴出降
五侯家天母看調粉日兄憐賜花催鋪白子帳待障七
香車借問粧成未東方欲晚霞古今詩話

潘浪歸錢塘云久客見華髮孤棹桐廬歸新月無朗照落
日有餘輝漁浦風水急龍山烟火微時聞沙上鴈一一
皆南飛人謂不減劉長卿同前

韋承貽咸通中策試夜潛紀長句於都堂南壁云裋衣博
帶滿塵埃獨上都堂納卷回蓬巷幾時聞吉語棘籬何
日却重來三條燭盡鍾初動七轉丹成鼎未開殘月漸
低人擾擾不知誰是謫仙才又云白蓮千朵照廊明一
片昇平雅韻聲才唱第三條燭盡南宮風月盡難成嗣
徐休雅長沙人因馬希範夜宴迎四儀夫人賦詩云雲路
半開千里月洞門斜掩一天春又作官詞云內人曉起
怯春寒輕揭珠簾看牡丹一把柳絲收不得和風搭在
玉欄杆曾獻家宴堂上首時稱冠絕郡關雅談

文宗招禮部侍郎高鉅作貢舉試覽裳羽衣曲詩時宗子李肱詩最佳詩曰開元太平時萬國賀豐歲梨園獻小曲玉座流新製鳳管勞參差霞衣覺搖曳宴罷水殿空輦餘芳草細蓬壺事已久仙樂功無替詎肯聽餘音聖明知善繼

撫州蔡牧嘗作責四皓詩云秦末家家思逐鹿商山四皓獨忘機如何鬢髮霜相似更出山來定是非及假節交邕道經湖口零陵太守鄭史同年也遠以酒樂相迎坐有瓊枝者守之所愛奪之而去泊中興頌下繩倪不前久之到邕御制失律伏法湘川權厝二子延近終喪而逝論者謂妄責四皓而欲買山於浯溪之間不徒言哉

詩曰停撈積水中與目孤鴻外借問浯溪人誰家有山

賣雲溪友議

舉子尉遲正梗槩士也獻詩于右坐李林甫有暮行潼關云明月飛出海黃河流上天觀內人樓上踏歌云芙蓉初出水桃李忽無言塞上曲云夜夜月為青塚鏡年年雪作黑山花右坐鑒此句云得非才子乎

徐安正侍郎久居中書堂參季右丞之論恐罪累乃隱衡山為東林撥萊行者李北海邕遊岳過寺觀其題詩處曰不知徐公乃在此握手言曰朝列於公論已息矣遂解布褐而釋以簪裳謂徐曰曾吟峴山詩曰峴山思駐啞之日嘗亦默誦之遂同載歸長沙

正元五年置中和節德宗製詩朝臣奉和詔寫本賜戴叔倫於容州天下美之中和變梅柳萬彙生春光中和紀月令芳與天地長耽樂豈不尚懿茲特景辰廢遂亭育恩同致寰海康君臣永終始交泰符陰陽曲沼水新碧華池桃梢芳勝賞信多歡戒之在無荒廣卓異記

唐黃損龍德二年登進士第喜作詩吟讀史云逐鹿走紅塵炎炎火德新家肥生孝子國霸有謀臣帝道雲龍合民心草木春須知烟閣上一半老儒真雅言雜載

李洞唐諸王孫游西川慕浪仙為詩作銅像其儀事之如神洞為終南詩二十韻有殘陽高照蜀敗葉遠浮涇復曰欲竹烟嵐凍偷秋雨電腥遠看丹鳳闕冷射五侯廳

全篇皆絕唱又贈司空侍郎云馬儼冷落葉鶴病暝

陽又白捲箔青溪月敲松紫閣書送僧云越講迎騎象

蕃齋懺射鵬贈高僕射云征南破虜漢功臣提劍歸來

萬里身閒傍凌雲金柱看形容消瘦老於真送人歸日

本云島嶼分諸國星河共一天但請其僻澁而不知奇

貴其峭唯吳子華深知之子華才力浩大八面受敵以

百篇示洞洞曰大兄所示百篇中有一聯絕唱新亭曰

暖漾魚遺子晴遊鹿引麀子華不然所鄙而喜其所許

洞三榜裴公第二榜策夜簾獻曰公道此時如不得躬

陵慟哭一生休尋卒於蜀裴公無子人謂屈洞所致謫

周賀少從浮屠法名清鑒遇姚合而返初與賈島無可齊

名島哭栢巖禪師曰苔覆石床新師曾占幾春寫留行
道影焚却坐禪身塔院關松雪房廊露隙塵自憐雙
淚下不是解空人賀詩曰林逋西風急松枝講妙餘凍
鬚亡夜剝遺偈病時書地燥焚身後堂空看影初此時
頻下淚曾有到吾廬同前

孟賁子蟠溪懷古云良哉呂尚父深隱始歸周釣石千年
在春風一水流松根盤解石花影卧沙鷗誰更懷高術
追思古渡頭又懷連上舊居云閒思連上景難齊樹遠
仙鄉路遶溪明月夜舟漁父唱春風平野鷓鴣啼城邊
寄信歸雲外花下傾盃到日西更憶海陽垂釣侶昔年
相遇草萋萋雅言系述

曹鄴字業之桂林人爲四怨三愁五情詩其怨云庭花
結子岩花猶弄色誰令生處遠用盡春工力其愁云別
家髮未生到城鬚似髮朝朝臨水望潮水不入越其情
云空城野雀饑咬咬復飛飛忽見官倉粟官倉無空時
爲舍人韋慤所知力薦於主司乃中第看榜日諭主司
云一辭桂嶺猿九泣都門月年年孟春至看花不如雪
杏園宴上呈同年云賢路非在天十年行不至一旦公
道開青雲在平地又云故衣未及換尚有去年淚又云
永持共濟心莫起胡越意

劉章子克明江左人事湖南馬氏有蒲鞋詩云吳江浪浸
白蒲春越女初挑一樣新纜自綉窓離玉指使隨羅襪

言言錄卷之十
上香塵石榴裙下從容久玳瑁筵前整頓頻今日高樓
鴛瓦上不知拋擲是何人

黃損連山人作公子行云春草綠綿綿驕驂暖烟微風
飄樂韻半日醉花邊打鵲拋金盞招人舉玉鞭田翁與
犂婦平地看神仙又出山吟云來書初出白雲扃乍躡
秋風馬走輕遠近留連分岳色別離嗚咽亂泉聲休將
巢許爭喧雜自共伊平論太平昨夜細看雲色裏進賢
星座甚分明並同前

詩話總龜卷之十

增修詩話總龜卷之十一

雅什門下

張瀛碧之子也事廣南劉氏官至曹郎嘗爲歌贈琴棋僧
同列見之曰非其父不生其子詩云我嘗聽師法一說
波上蓮花水中月不垢不淨是色空無法無空亦無滅
我嘗聽師禪一觀浪溢鰲頭蟾蜍滿河沙世界盡空空
一寸寒灰冷燈畔我又聽師琴一撫長松喚住秋山雨
絃中雅弄若鏗金指下寒泉流太古我又聽師棋一着
山頂坐沉紅日脚阿誰稱是國手人羅浮道士賭却鶴
輸却藥法懷斟下紅霞丹束手不敢多頭角雅言系述
翁宏字大舉桂嶺人常寓居韶賀間不仕進能詩宮詞云

又是春殘也如何出翠帷落花人獨立微雨燕雙飛
寓目魂將斷經年夢亦非那堪向秋夕蕭颯暮蟾輝
秋風曲云又是秋殘也無聊意若何客程江外遠歸思夜深
多峴首飛黃葉湘湄走白波仍聞漢都護今歲合休戈
塞上曲云風高弓力大霜重角聲乾海中山云客帆來
異域別島落蟠桃中秋月云寒清萬國土冷闌四維根
曉月云漏光殘并楚缺影背山椒送入下峽云萬木殘
秋裏孤舟半夜損南越行云因尋買珠客悞入射獵家
細雨云何處殘春夜和花落古宮途中逢故人云孤舟
半夜雨上國十年心開寶中衡山處士廖融南遊宏有
詩云病卧瘴雲開每苦漬竹關孤吟半燭月老憶洞庭

山壯志潛消盡滄風竟未遷今朝忽相遇執手一開顏
宏以百篇示融融謝宏云高奇一百篇見造化工全積
思遊滄海冥搜入洞天神珠迷罔象瑞玉匪雕鑄休歎
不得力離騷千古傳王元懷云獨夜思君切無人知此
情滄洲歸未得華髮別來生孤館木初落高空月正明
遠書多隔歲猶念沙前程皆佳句也

張子明攸縣人居鳳巢山有詩名孤鴈一篇最佳云隻影
翩翩下碧湘旁池鴛鴦下銀塘雖逢夜雨迷深浦終向
晴天着舊行憶伴幾回思片月蛻翎多為繫繁霜江
南塞北俱關念兩地歸飛似故鄉

路洵美唐相若之元孫有夜坐詩云簾捲竹軒清四鄰無

語聲漏從吟裏轉月自坐來明草木露華濕衣裳寒氣
難逢知墜者空悅此特情就傳於湖南

伍彬邳陽人初事馬氏王師下湖湘授官為安邑簿秩滿
歸隱題全義分水嶺云前賢功及物禹後杳難傳不及
古今色平分南北流寒衝山影岸清繞荻花州盡是朝
宗去潺湲早晚休夏日喜雨云稚子出看沙徑沒漁翁
來報竹橋流辭解牧云蹤跡未辭鴛鴦客亭魂先到
鷓鴣村泊居隱廖融書其屋曰圓塘綠水平魚躍紫葦
生要路貧無力深村老退耕犢隨原州遠蛙傍塹雞鳴
撥棹茶川去初逢穀雨晴路振贈詩云考終秋髮白歸
隱舊峰前庭樹鳥頻啄山房人尚眠寒岩落桂子野水

過茶烟已絕勞生念虔心向竺乾

王元字文元桂林人有登祝融峰詩云草疊到孤頂身齊

高鳥翔勢疑撞翼軫翠欲滴瀟湘雲濕幽崖滑風梳古

木香晴空聊縱目杳杳極窮荒又聽琴云拂塵開素匣

有客獨傷時郡閣雅談記第二古調俗不樂正聲君自

知寒泉出澗澁老檜倚風悲縱有來聽者誰堪繼子期

題鄧真人遺址云三千功滿輕升去留得山前舊隱基

但見白雲長掩映不知浮世幾興衰松梢風觸霓旌動

椽葉霜霑鶴翅垂近代無人尋異事野泉噴月寫秋池

與廖融為詩友贈之云伴行惟瘦鶴尋寺入深雲終于

長沙

李韶郴州人苦吟固窮題司空山觀云梁代真人上紫微
水盤山脚五雲飛杉松老盡無消息尤得千年一度歸
識者謂韶必無名果如其言王元有詩悼之云韶也命
何羈生前與世違貧棲古梵刹終著舊麻衣雅句僧抄
遍孤墳客吊稀故園今孰在應見夢中歸
陸贄不知何許人居攸縣司空山聞子規云後夜入清明
遊人何處聽花殘斑竹廟雨歇峴山亭樹罽月欲落牕
間酒正醒衆禽方在夢誰念爾勞形

王操字正美江左人太平興國上南郊賦授太子洗馬奉
使隴右至石壕驛作黃葵詩於壁云昔年南國看黃葵
雲髮金釵向後垂今日林容籬落下秋風寂寞天兩三枝

李相國昉自延安入朝見詩愛之後贈相國云袖中詩
草朝天去頭上官花侍宴時贈劉將軍云三十懸鉤事
聖朝功名常愛霍嫫姚錦衣香重花垂足玉帶光寒雪
遶腰秣馬暖思秦地草弦弓秋憶鴈門鷗清時閑却英
雄興醉聽笙歌擲酒瓢寒食云馬搖金勒嘶村野人搶
花毬落野田夜宴云彩牋分卷碧雲薄蟬燭對燒紅淚

乾同前

卞震蜀人嘗吟即事云兩壁長秋菌風枝落病蟬又云老
筇搭瘦影寒木凭吟身春日偶題云詩債到春無處避
離愁因醉暫時無即事云茶香解睡磨鐺煮山色牽懷
着屐登並同前

郭功父方與荆公坐有一人展刺云詩人龍太初功父勃
然曰相公前敢稱詩人其不識去就如此荆公曰且請
來相見既坐功父曰賢道能作詩能為我賦乎太初曰
一甚好功父曰只從相公請箇詩題時方有一老兵以沙
撩銅器荆公曰可作沙詩太初不頃刻間誦曰茫茫黃
出塞漠漠白鋪汀馬去風平篆潮回日射星功父聞筆
太初緣此名聞東南余後於喬希聖家見太初詩一軸
皆不及前所作直方詩話

東坡作彭門守時過齊州李公擇中秋席上作一絕云暮
雲收盡溢清寒銀漢無聲轉玉盤此生此夜不長好明
日明年何處看其後山谷在黔南令以小秦王歌之

韓持國醢醢一絕云平生為愛此香濃仰面常迎落絮風
每到春歸有遺恨典刑尤在酒樽中

詩云春陰垂野草青青時有幽花一樹明晚泊孤舟古祠
下滿川風雨看潮生此蘇子美詩也雙同集又同前

賀方回題一絕于定林云破冰泉脉漱籬根壞衲遙疑掛
樹猿蠟屐舊痕尋不見東風先為我開門舒王見之大
稱賞緣此知名

詩云欲掛木冠神武門先尋水竹渭南村却將舊斬樓蘭
劍買取黃牛教子孫不知何人作

石曼卿以書名世然愈大愈妙嘗書三佛名最為雄俊張
文潛有詩云煌煌三佛名榜鐵金石鈕開張宮室上渾

質山岳厚并水駭龍吟蟻封觀驥驟余愛能道其妙處
詩曰皎室圍青艸龍堆隱白沙護江盤古木迎棹舞神鷗
破浪南風正收帆畏日斜雲山千萬疊何處上仙槎此
老社過洞庭詩也李希聲云得之於江心一小石刻人
生燭上花天滅巧妍畫春風饒樹頭日與化工進只知
雨露會不聞零落近昔我飛骨時慘見當塗墳青松露
朝霞縹緲山下村既死明月魄無復玻璃魂念此一脫
灑長嘯登崑崙醉着鸞鳳衣星斗俯可捫又曰朝披雲
夢澤笠釣青茫茫尋綠得雙鯉中有二元章篆字若丹
蛇遶勢如飛翔歸來問天老奧義不可量金刃割青紫
靈文爛煌煌燕服十二環杳有仙人房暮跨此鶴去

氣侵肌涼龍子善變化化作梅花粧贈我疊疊珠靡靡
明月光勸我穿絡纒繫作据問瑞挹予以詞去談笑聞
餘香元祐八年東坡帥定武李方叔王仲弓別於惠濟
出示南岳典寶東華李真人像又出此二詩曰此李真
人作也近有人於江上遇之得此云即李太白也並同前
楊大年錢文僖晏元獻劉子儀以文章立朝為詩皆宗李
義山號西崑體後進效之多竊取義山語御嘗賜百官
宴優人有裝為義山者衣服敗裂告人曰為諸館職得
擢至此聞者大噱然大年漢武詩云力通青海求龍種
死諱文成食馬肝待詔先生齒編具忍令乞米向長安
義山不能過古今詩話

王正白唐末大播詩名嘗作御溝詩云一派御溝水綠槐
相蔭青此波涵帝澤無處濯塵纓鳥道來雖險龍池到
自平朝宗心本切願向急流傾示貫休休曰刺一字正
白揚袂而去休曰此公思敏書一中字於掌遂巡正白
回曰此中涵帝澤休以掌中示之不異所改青瑣後集
史青零陵人其先名籍秦隨幼而聰敏博聞強記開元初
上上表自薦為臣聞曹子建七步成章臣愚以為七步太
多君賜召試五步之內可塞明詔明皇試以除夜上元
觀燈竹火籠等詩惟除夜最佳云今歲今宵盡明年明
日催寒隨一夜去春逐五更來氣色空中改容顏暗裏
摧風光人不覺已入後園梅唐宋詩以明皇稱賞授左

僧乾康零陵人亦已在長沙居湘西道林寺乾康往謁之
齊已知其為人使謂曰我師門似非詩人不游大德來
非詩人耶請為一絕以代門刺乾康詩曰隔岬紅塵忙
似火當軒青嶂冷如冰烹茶童子休相問報道門前是
衲僧齊已大喜曰與款接及別以詩送之乾康有經方
干舊居詩云鏡湖中有月處士後無人秋筍抽高節鱸
魚躍老鱗為齊已所稱乾德中左補闕王仲知永州康
捧詩見仲觀其老醜曰豈有狀貌如此能為詩乎宜試
之時積雪方消命為詩康曰六出奇花已住開郡城相
次見樓臺時人莫把和泥看一片飛從天上來仲驚曰
其言不淺吾豈可以貌相人也特以殊禮

賈島詩有影落句韓退之喜之渡桑乾詩曰客舍并州已
十霜歸心日夜憶咸陽如今又渡桑乾水却望并州是
故鄉赴長江道中詩曰策杖馳山驛逢人問梓州長江
那可到行客替生愁冷齋夜話

韓子蒼曰丁晉公海外詩云卿解忘憂憂底事花名含笑
笑何人世以為工及讀東坡詩曰花非識面常含笑鳥
不知名時自呼便覺才力相去如天淵

余自并州還江南過都下蔡子因約相見相國寺問余有
詩余曰見範有寒崑一元懷京師詩曰上元獨宿寒崑
寺卧看青燈映薄紗夜久雪猶啼岳頂夢回清月上梅
花十分春瘦綠何事一掬歸心未到家却憶少年行樂

處軟紅香霧噴東華今能作京師上元懷山中可乎余
為之曰北遊爛熳看并州重到皇州及上元燈火風光
記前事管絃音律試新番期人未至情如海穿市歸來
月滿軒却憶寒岩曾獨宿雪牕殘夜一聲猿

世徒知文與可掃墨竹不知其高才兼諸家之妙詩尤精
絕戲作鷺鷥六言曰頸細銀鈎淺曲脚高綠玉深翹岸
上水禽無數有誰似汝風標並同前

苦吟門

李昇受禪之初忽半夜寺僧撞鍾滿城皆驚召將斬之對
云夜來偶得月詩乃曰徐徐東海出漸漸上天衢此夕
一輪滿清光何處無喜釋之江南野錄

潘閔自號逍遙子作苦吟詩曰髮任莖莖白詩須字字清

同前

方干為詩練句字字有功寄人云鶴盤遠勢投孤嶼蟬曳

殘聲過別枝鑑戒錄

唐人為詩常積思數十年然後各自名家杜少陵云更覺

良工用心苦豈特我哉古今詩話

陳舍人從易當時文盛之際獨以醇儒古學見稱詩類白

樂天自稱楊劉唱和西崑集行後進學者爭效之風雅

之變謂之崑體由是唐賢諸集廢而不行陳公時偶得

杜集舊本文多脫誤至送蔡都尉詩云身輕一鳥其下

脫一字陳公與數客各用一字補之或云疾去落或云

下莫能定后得一善本乃是身輕一鳥過陳公歎服以

為雖一字諸君亦不能到歐公詩話

龐穎公喜為詩雖臨邊典郡文案委前日不廢三兩篇以

此為適及疾甚余時為諫官以十餘篇相示手批其後

曰欲令吾弟知老夫疾中尚有此思耳字已慘淡難識

數日夢聞居詩話

寇萊公延僧惠崇於池亭分題為詩公探得池上柳青字

韻崇探得池鷺鳴字韻目今至晡崇忽點頭曰得之矣

此篇功在明字凡五壓不倒公曰試口占曰雨歇方塘

溢遲回不復驚暴翎沙日暖引步島風清照水千尋迥

棲烟一點明主人池上鳳見爾憶蓬瀛公笑曰吾柳之

功在青字而四壁不倒不如且已貫休懷武昌故樓云
風清江上寺霜洗日中砧得句生呈佛無人知此心
賈島初赴舉在京師一日於驢上得句云鳥宿池中樹僧
敲月下門又欲推字煉之未定於驢上吟哦引手作推
敲之勢觀者訝之時韓退之權京兆尹車騎方出島不
覺行至第三節尚為手勢未已俄為左右擁至尹前島
具對所得詩句推字與敲字未定神遊象外不知迴避
退之立馬久之謂島曰敲字佳遂並轡而歸共論詩道
留連累日因與島為布衣之交有贈島詩曰孟郊死葬
北邙山日月風雲頓覺閒天恐文章聲斷絕故生賈島
在人間自此名者後因不第乃為僧改號無本居一法
乾寺與無可唱和一日宣宗微行至寺聞鍾樓上有吟
聲遂登樓於島按上取詩卷覽之島不識乃攘臂睨之
遂於手內取詩卷曰即君何會此耶宣宗下樓而去既
而島知之亟謝罪乃賜御札除遂州長江簿後遷普州
司倉卒故程錡以詩悼之曰倚恃詩難繼昂藏貌不恭
騎驢衝大尹奪卷忤宣宗馳譽超前輩居官下我儂司
倉舊曹事一見一心恡王元贈詩曰江城賣藥常將鶴
古寺看碑不下驢唐宋遺史

僧齊已往袁州謁鄭谷獻詩曰高名喧省闥雅頌出吾唐
疊巘供秋望飛雲到夕陽自封修藥院別下着僧床幾
許中朝事以離鴛鴦行谷覽之云請改一字方得相見

詩話總龜卷之十一
經數日再謁稱已改得詩云別掃着僧床谷嘉賞結為
詩友郡閣雅談

賈島元和中嘗跨驢張蓋橫截天街時秋風正厲黃葉可
掃島吟曰落葉滿長安求一聯不可得不知身之所從
因衝京兆尹劉栖楚節被繫一夕釋之又嘗遇武宗於
定水精舍島尤肆慢武宗訝之他日另與一日授長江
尉至普州司倉卒

永叔言苦吟句云一句坐中得片心天外來茲所謂苦吟
破的之句青瑣集

詩話總龜卷之十一

增修詩話總龜卷之十二

敬亭門上

太祖嘗顧近侍曰五代干戈之際猶有詩人今太平日久
豈無之也中官宋永圖於僧寺園亭中得詩百篇以進
有丞相李文正公昉宰相僧閣閒望一聯云水光先見
月露氣早知秋古今詩話

揚朴字契元鄭州人善為詩少嘗與畢安簡公士同學文

簡薦之太宗召見面賦兼衣詩云狂脫酒家春醉後亂

堆漁舍晚晴時除官不受聽歸山以其子從政為長水

尉朴為七夕詩云年年乞與人間巧不道人間巧已多

魏野陝人字仲先少時未知名題河上寺柱云數聲離岸

言言集卷之三
檀幾點別州山時有幕僚本江南文士見之大驚邀與
相見贈詩曰恠得名稱野元來姓不群仍為延譽由是
人始重之真宗西祀遣中使召之野閉戶踰垣而遁

熙寧六年有司言四月一日當蝕上為

徹樂避正殿

一夕微雨不見日食是日有皇子之慶蔡子正為樞密
獻詩云昨夜薰風入舜韶君王方避正衙朝陽暉已得
前星助陰沍潛隨夜雨銷其叙四月一日避正殿皇子
慶誕陰雲不見日食之盡矣當時無能過云

成都妓單氏贈陳希夷詩云帝王師不得日月老應難名
士多稱之唐宋遺史

晏元獻覽李慶富貴曲云軸傳曲譜金書字樹記花名

玉篆牌曰此乃乞兒相未嘗諳富貴者故公每言富貴
不及金玉錦綉惟說其氣象若樓臺側畔楊花過簾幙
中間燕子飛梨花院落溶溶月柳絮池塘淡淡風是也
公自以此句語人曰窮人家有此景否宋荅公見公佳
句皆書於齋壁如無可奈何花落去似曾相識燕歸來
靜尋啄木藏身處閒看遊絲到地時樓臺冷落收燈夜
門巷蕭條掃雪天已定復搖春水色似紅如白野棠花
之類后人不可及青箱雜記

蘇為知吳興日多作詩內一篇最佳云野艇閒撐處湖天
景亦微春波無限綠白鳥自由飛柳色濃聖岸山光冷
照衣時携一壺酒戀到晚涼歸又在宣城作十首以宣

詩話卷之十一
城爲日內宣城花一篇首出曰宣城花疊嶂樓前簇綺
霞若非翠露陶潛宅即是紅藏小謝家又在邵武有詩
曰愛重八九月登臨高下樓林紅雲白處寒瀨泊漁舟
丞相王文惠有官詞云一聲啼鳥禁門靜滿院落花春日
長野步云桑柘科春色漁歌唱夕陽皆佳句也

楚僧惠崇工於詩題楊雲卿郊居云河分崗勢斷春入燒
痕青長信詞云陰井生秋早明河徹曉遲江行晚泊云
嶺暮清猿急江寒白鳥稀上谷相池上作云歸禽動疎
竹落果响寒塘贈陳少府云野人傳相鶴山叟學彈琴
夜坐云春淺水生井宵分月上簷贈疑上人云掩門青
檜老出定白髭長送逐客云浪經蛟浦闊山入鬼門寒

經緣公舊寺云鴻禰傳諸國留真在一峰塞上云河水
堅瘦馬寒雪密燕鵝喜長公至云父別年顏改相逢夜
話長隱者云多年不道姓近日旋移家宿東林寺云鳥
歸山墮雪僧去石沉雲上楊內翰云露寒金掌重天近
玉繩低柳氏書齋云著書驚日短彈劍惜春深上王太
尉云探騎通番蟲降兵逐漢旗田家秋夕云露下牛羊
靜河明桑柘空舟行云林斷城隍出江分島嶼迴寄梅
蘇州云鏐城山月上吹角海鷗驚宿楊侍郎東亭云卷
幔來風遠移床得月多送程至云白浪分吳國青山隔
楚天宿隱靜寺云空潭聞鹿飲疎樹見僧行送錢供奉
云劍戟明山雪旌旗濕海雲梅鼎臣河亭云曠野行人

少長河去鳥平宿 肇公齋云月高山舍過霜落石門深

盧經西歸云雪多 奈木迥雲盡漢山孤濠梁夜泊云夜

闌潮動舸天迥月 臨城崔仰秋居云葉影風中靜虫聲

月下多贈裴史君 云行縣山迎舸論兵雪遶旗早行云

繁霜衣上温殘月 馬前低秋夕云磬斷虫聲出燈迴鶴

影沉書韓退之屋 壁云移家臨醜石租地得靈泉秋夕

懷長公公秋近草 虫亂夜遙霜月低觀宴鄉老云海鷗

聽舜樂山老泛堯 躬贈素上人云午食下林鳥夜蟬移

塚孤夏夜云扇聲 猶泛暑井氣忽生秋江行早發云殘

月楚山曉孤烟江 初春翻經館靖少卿房云梵容分古

像唐語入新經題 六保道院云鶴傳滄海信僧和白雲

詩秋夕懷江白云 基禽樓古柳破月入微雲贈白上人

云花漏沉山月雲 衣起海風喜陳助教至云樓中天姥

月座上杜陵人冬 日野望云入歸崗舍近鴈過渚田遙

送人知榮州云山 色臨巴迥江流入漢清春深道中云

湘雲隨鴈斷楚路 背人遙贈李道士云松風吹髮亂岩

溜澗棋寒栖霞寺 云境開僧度水雲盡鶴盤空林浦河

亭云古路隨崗起 秋帆轉浦斜楊秘校池上云禽寒時

動竹露重忽翻河 魏仲先山亭云嵐重琴棋濕風長枕

簾寒塞上云離砒 鴈衝雪渡河人上冰寄白閣上人云

夜梵通雲竇秋香 漏石叢陝西道中云關河雉鬣白風

雪一燈青送防秋 楊將軍云殺氣生龍劍威風動虎旗

瓜州亭子云落潮鳴下岸飛雨暗中峰賀劉舍人云日
躔黃道迥春入紫微深除夜云寒燠催鴈盡曉角喚春
歸幽并道中云鴈行沉古戍鵬影轉寒沙送僧歸天台
云景霽雲迴今秋風林動搖過陳希夷舊居云亂水僧
頻過荒松鶴不還宿橫江館云露館清鷺枕空度月伴
琴維那道中云馬渡冰河闊鵬盤嶺日高報國寺秋居
云驚蟬移古柳闌雀墮寒庭書早上人房云松風傳夕
磬谿霧擁春燈觀南郊天仗云霓旌搖曉色風吹送春
雲贈義上人云坐石雲生衲添泉日入瓶昇平詞云萬
國無形治三邊不戰平國清寺云鴈鶴棲金刹秋僧過
石橋呂氏西齋云雪殘僧掃石風動鶴歸松劉參幽居
云風煖鳥巢木日高人灌園楊都官池上云竹風驚
鶴潭月戲春魚善方嶠壁云圭竇先知曉盆池別見天
送陳舍人巡撫云月悲疎寒衽雲濤閃畫旗宿齊上人
禪齋云鶴盤金刹雪龍蟠玉瓶泉春日寇宣贊池上云
暄風生木末遲景入人心七夕云河來天上閑雲度月
邊輕贈王道士云海人來相鶴山欵下聽琴送荊州云
畫鷁浮秋浪金鏡迴香雲江城晚望云丹楓映郭迥綠
嶼背江深題王太保山亭云危溜含清瑟飛花點玉觴
送李秦州云朱旗吹雪卷畫角入雲吹畫上人西齋云
云孤雲還靜境遠籟發秋聲李太傅山庄云圍碁分雪
石汲井動金沙官中詞云井含春氣碧樓轉夕陰清送

吳袁州云鳥暝風沉日天清月上旗寄聲公云斜吹鳴
金錫歸雲擁石床塞上古戍生烟直平沙落日遲贈
嗣上人云拂石雲離帚烹茶月入鐙舟行云遠嶼迎禱
出林帶岬回送來上人云來時雲擁袂別後月隨筇
馬鑛淮亭云路橫岡燒斷風轉浦帆斜贈戴殿前云劍
靜龍歸匣旗開虎遶竿高誼書齋云品畫逢名客橫琴
憶古賢太乙山云雲陰移漢塞石色入晴天上送人云
地遙群馬小天闊一鵬平茫溶園池云江花凌霰發山
溜入池深獵騎云長風躍馬路小雪射鵬天高略書院
云古木風烟盡寒潭星斗深送段工部河北漕云渡河
風動旆巡部雨露車題高生山閣云對酒淮潮起題詩

楚月新經明大師房云門掩前朝樹心垂別郡峰送李

堪云秋聲動群木暮色起秋山並同前

歐陽文忠公守滁見王元之謝上表云諸縣豐登絕少公
事全家飽煖共荷君恩因成詩云諸縣豐登少公事全
家飽煖荷君恩據遺

楊軒字公遠衡州人嘗有燈詩曰解照日月不照處獨明
天地未明時同前

李煜作詩大率多悲感愁感如青鳥不傳雲外信丁香空
結雨中愁髮從今日添新白菊是去年依舊黃之類然
思清句雅可愛翰府名談

亞大卿士大夫徒傳其諧謔之語不知其作詩甚佳如

浪平天影接山盡樹根回得作者之格

趙師民龍圖有春日積事詩云委地露花啼曉淚拂堤烟

柳弄春容又如麥天辰氣潤槐夏午陰清曉鶯林外千

聲轉芳苔塔前一尺長皆佳句並同前

六常博士黃孝先字子忠為味懷詩曰日者未知裴令貴

時人爭笑禰生狂又作重五詩曰風簷燕引五六子露

并榴開三四花春明退朝錄

孟賓于子名歸唐寓廬山學得瀑布一聯云練色有窮處

寒聲無盡時隣房有人亦得此聯互誦其句助教不能

理因送江州以全篇定之而歸唐勝焉大為時賢所知

三寶松廬陵人與劉洞唱和為節度使陳德誠所知德誠

贈詩曰建水禱傳劉夜坐劉洞有夜坐詩螺川新有身

江城寶松有江城詩曰鴈飛南浦鍾初動月滿西樓酒

半醒又云曉來羸馬依前去雨後遙山數點青皆佳句

江南野錄又雅言多述別有寶松宿臨江驛全篇并劉洞宿寶松山齋詩以寶松為保松

唐仁傑全州人苦吟陳德誠出守池陽仁傑以詩貽之云

紅旆渡江霞蘸水青蛇出匣雪侵衣德誠善之勉之入

金陵會休沐朝達集于升元寺召之坐酒行請仁傑賦

登閣詩立談而成其中有句云雲散便宜千里望日長

斜占半城陰其餘亦可觀贈嘉禾峰僧云只住此山能

有意向來求佛本無心時論與之並鑑戒野錄

施肩吾好作諸詩著山居百韻如荷翻紫蓋搖波面蒲瑩

青刀挿水湄烟粘薜荔龍鱗軟雨壓芭蕉鳳尾垂
錢鄧師嘗舉思賈誼兩句云可憐半夜虛前帶不問蒼生
問鬼神后人何可及談苑

潘逍遙貧居詩曰長喜詩無病不憂家更貧峽中聞猿曰
何須三叫絕已恨一聲多哭高舍人詩曰生前是客曾
投卷死後何人與撰碑張乖崖贈逍遙詩云莫嗟黑髮
從頭白終見黃河到底清宋白尚書贈云宋朝歸聖主

潘浪是詩人退朝錄

蜀僧希晝游鳳陽山云天長來月正木末度猿稀答黃桂
州云東書逢歲嗣去夢歷峰危送廣漕云春生桂嶺外
人在海門西送僧東歸云帆影先寒雁經聲隱暮潮宋

承旨林亭云雪溜垂危石碁燃射遠林贈僧云漱齒冰
溪遠聞蟬雪屋深送人云玉繩天闕近金柝海城秋贈
勾學士云曉天金馬路晚歲石霜心寄人云山日秋光
短江虹晚影低送新律尉云劔月啼猿苦江沙濯錦寒
北宮書亭云花露盈虫穴梁塵墮燕泥贈關上人云寄
禪關樹老乞食寒城羗送僧歸新安云風泉舊聽僧窓
改雲穴曾行鳥徑殘春山云芳樹侵雲老孤泉落石危
送入歸南海云落日橫秋島寒濤兀夜船浙僧寶通題
相國寺云下朝人帶天香出入定僧迎御杖頭僧守恭
佛迹峰云市髮人來絕嶺花鹿去多僧行壑送僧云定
錫推停斧窺人鳥立槎送人之鄞江云江聲煮背出帆

影斗邊飛僧簡長送人歸寧州云烟壘沉寒角盡空擊
怒鷗尚能送僧歸浙右云霜洲楓送畫水館月生寒送
僧歸四明云古寺山光後重城海氣圍送入云西風隨
鴈急寒柳向人踈送孫大諫知永興云關河虎符重殿
閣獸樽閑僧知人溪居云寒聲病葉落曉色凍雲開送
僧歸天台云路遙無去伴山疊有啼猿冬夕云風窓燈
易滅雪屋夜偏寒僧休復送道士西遊云日暮長安道
秋深太白峰僧惟鳳秋日送入云去路正黃葉別君堪
白頭哭度禪師云海客傳遺偈林僧寫病容談苑

揚文公言自雍熙初歸朝迄今三十年所閱士大夫多矣
能詩者甚鮮如侍讀兵部宿擅其名而徐鉉梁周翰范

宗黃夷簡皆前輩鄭文寶薛映玉禹偁吳俶劉師道李
宗諤李建中李維姚鉞陳堯佐悉當時儕流後未著聲
者如路振錢熙丁謂錢易梅詢李拱蘇為朱巖陳越王
曾李堪陳詰呂夷簡宋綬邵煥晏洙江任焦宗古布衣
有林逋周啟明錢氏諸子有封守惟濟供奉錢昭度即
曲有今南鄭殿丞楊黎州家居及高官簿覺宗人字牧
之並有佳句可以摘舉而錢惟演劉筠特工於詩

揚徽之侍讀春望云杳杳烟蕪何處盡搖搖風柳不勝垂
寒食云天寒酒薄難成醉地迥臺高易斷魂塞上云戍
樓烟自直戰地雨長腥僧舍云偶題岩石雲生筆閒遠
庭松露濕衣湘中舟行云新霜染楓葉皓月借蘆花哭

江為一廢宅寒塘水荒墳宿艸烟嘉璟川云青帝已教
春不老素娥何惜月重圓又云浮花水入瞿塘映帶雨
雲歸越雋州元夜云雲歸萬年樹月滿九重城宿東林
云開盡菊花秋色老落蓬桐葉雨聲寒

徐鉉遊水蘭亭云蘭橈破浪城陰直玉勒穿花苑樹深觀
習水戰云千帆日助陰山勢萬里風馳下瀨聲病中云
向空咄咄頻書字忘世滔滔莫問津謫居云野日蒼茫
悲鵬舍水風陰濕弊貂裘陳秘監歸泉州云三朝恩澤
馮唐老萬里江山賀監歸宿山寺云落月依樓閣歸雲
擁殿廊

梁周翰應制云百花將盡牡丹折十雨初晴太液春黃夷

題入山居云宿雨一番疏甲拆春山幾焙茗旗香

鄭文寶郊居云百草千花路斜風細雨天重經貶所云過

關已躍橋水洞馬悞喘尤驚顧亮屏洛城云星沉會節歌

鍾阜天半上陽烟樹微贈張靈州云越絕曉殘蝴蝶夢

單于秋引畫龍聲長安送別云杜曲花光濃似酒灞陵

春色老於人送人歸湘中云滿帆西日催行客一夜東

風落楚梅南行云失意慣中遷客酒多年不見侍臣花

棲靈隱寺云雁旦霏飄仙界摘雙溪時落海邊鷗送人

知韶州云碧落春風老朱陵古渡頭永熙陵云承露氣

清駒送日觚稜人靜鳥呼風邊上云鬢間相似雪峰外

寂寥烟

薛映送入鄂州云黃鶴晨霞樓起陀頭秋洲遠碑荒
吳做送朱致政云洛殿夜涼初閣筆渚官歲晚得懸車
劉師道寄別云南浦未傷春州碧此山乃愧曉猿驚與張
必云久師金馬客勅敵玉溪生荷花云有路斯奔月無
媒與嫁春殘花云金谷路塵埋國艷武陵溪水泛天香
寄陳龍圖云晨瞻北斗天何遠夢斷南柯日未沉歎世
云野馬飛窓日醯雞舞甕天春雪云青帝翠華沉物外
孝娥孀影吊雲端咏雪云三千世界銀成色十二樓臺
三作層湘中云逝波帝子魂何在夢州王孫愁未歸
李宗諤春郊云一溪曉綠浮鷓鴣萬樹春紅叫杜鵑贈蘇
承旨云金鑾後記人爭寫玉署新碑帝自書

李建中送人云山程授館間鴻夜水國還家欲雪天

李維渚官亭云故宮芳草在佳事暮江流朱致政云清朝

納祿猶狂健白首還家正太平和人贈馬太保云轉盼

迴品電分髯傑鬚毛寄洪湛云謫去賈生身健否秋來

潘岳髮斑無

姚鉉錢塘郡云踪鍾天竺曉一鴈海門秋

陳堯佐潮州召還云君恩來萬里客路出千山送神放云

供帳開天苑傳呼度國門送人越州云風樵若耶路霜

橘洞庭秋送朱荆南云部吏百函通爵里從兵千騎屬

韃索

錢熙送人金陵拜掃有云鶴歸已改新城郭牛卧重尋舊

墓田

丁謂和錢易白珊瑚新筆架雲母舊屏風送章安南云梅
花過嶺路桃葉渡江船送章明州云泣珠泉客通關市
種玉仙翁寄啟圖送陳荆南云楚子夢雲鈴閣密郢人
歌雪射堂開

錢易畫景云雙峰上簾額獨鵲裴庭柯芭蕉云綠章封事
緘初啓青鳳求凰尾乍開

梅詢陰陵云千里漢圖合一夜楚歌聲

李拱春題村舍云大眼花影地牛牧雨聲鼓

蘇爲送劉端州云夜浪珠還浦春泥象跡蹤

朱巖贈徐常侍云當直有誰同騎省立班獨自戴貂冠

陳越侍宴云千鍾人既醉九奏鳳來儀與劉惔云莫哀城

下酌不廢洛中吟送李秦州云擁路東方騎懸腰左顧龜

王曾送李駙馬拜陵云人畏軒臺久春歸雨澤多

李堪哭韓黎州云桐鄉留語葬銘路在生悲送周建州云

海月隨帆落溪花遶驛流送人行云雷風有約青蚪起

霜露無情紫蕙枯退居云兩窗絲桐潤潮平釣石沉

陳詒閑居云籠雞對窓語羅雀繞門飛

呂夷簡早春云梅無驛使飄零盡草怨王孫取次生九日

呈梅集仙人云人歸北闕知何日菊映東籬似去年寒

食云人爲子維初禁火花愁青女再飛霜

宋綬送人知江陵云奇才劍客當前隊麗賦騷人託後車

送人知洪州云江涵帝子翬飛閣山際真君鶴馭夫送
周賢良云楚澤傷春怨鷓鴣長安索米愧侏儒

趙復送晏集賢南歸云船官風破浪關吏鼓通晨

晏元獻與張臨川云離邊菊秀先生醉桑下雛嬌稚子仁

又云東陽詩骨瘦南浦別魂銷送章明州云騷客登山

知有助秦源離犬更相聞送人知洪州云干斗氣沉龍

已化置窮人去榻猶懸並同前

江任送人云珠盤臨路斗印入鄉提王堂詩話

焦宗右送人遊蜀云芳樹高低啼蜀魄朝雲濃淡極巴天

贈周賢良云南陽客自稱龍卧東魯人應歎鳳衰

林逋湖山云片月通蘿徑幽雲在石牀

周啓明近臣疾愈云一丸聖藥返使人車送皇帝

刑云鴟夷江上金甌稔生斗星邊貫索空

錢惟熙太一宮醮云林下焚香連宿霧林間鳴珮起棲鸞

從駕西巡云曉陌空繁滿春風騎吹長故主第云鳳簫

通碧漢星斗辯靈源

錢昭度村居云黃蜂衙退海潮上白蟻戰如山雨來大寒

云雨被北風吹作雪水愁東海亦成冰金陵云西北高

樓在東南王氣銷梅花云東北風吹大庾嶺西南日映

小寒天鴈云三年別館風吹入萬里長沙月照來秋遊

華山云人間路到三峰盡天下秋隨一葉來

南鄭殿丞云青鳥幾傳王母信白鷺曾換石軍書將至京

言詩總龜卷之十二
云近關已瞻龍虎氣思鄉猶望斗牛星

揚黎州赦至云山川百蠻國雨露九天書寄遠云胡越自
為迢遞國參商元是別離星自遣三天上義輪都易識
人間堯曆自難逢哭儲屯田云部中車雨春無潤天上
星即夜損光感悟云頓纓狂走鹿吐沫倦遊鱗心知云
遠別苦驚雲聚散相逢多悟月盈虧自咏云剛腸欺竹
葉衰髮怯蘆花淚云一斑早寄湘川竹萬點空遺峴首
碑竹簟云若非琥珀休為枕不是琉璃莫作屏春書云
人歸漢后黃金屋燕在盧家白玉堂並同前
牧之寄人云世味嫌為枳時光愁落冥閒居云歌懷飯牛
起書憤抱麟成蟬云二子自不食三閭何獨清登樓云

遠水淨林色微雲生夕陽塵云已傷花榻滿休妬畫屏

飛談並

西洛古都荒臺廢洛遺迹依然見林詩多矣惟錢文僖公
一聯最為警策云日上故陵烟漠漠春歸空苑水潺潺
裴晉公綠野堂在午橋南往時屬張相齊賢家罷相歸
終日與客宴其間惟鄭文寶工部一聯為警絕云水暖
鳧鷖行哺子溪深桃李卧開花人謂不減王維杜甫錢
詩好句尤多而鄭句不惟當時人莫及雖其集中若及
此者亦少歐公詩話

詩話總龜卷之十二

詩話總龜卷之十二

十四

增修詩話總龜卷之十三

警句門中

楊文公云錢惟演劉筠首變詩格學者慕之得其格者蔚
 為佳句二公麗語頗多如惟演奉使塗中云雪意未成
 雲著地秋聲不斷鴈連天又云客亭厭見石長短村酒
 那能辯聖賢送僧遊楚云宿舍孤煙起行李夢兩涼張
 弁州詩云戈矛巡霧夕鏡鼓女薰晨章儻雨詩云平檻
 曉波吳榜渡逸城春樹越禽飛章南安云離人南浦多
 春艸越鳥棲枝有早梅劉潭州云坐數解颺湘竹曉樹
 含涼雨越禽歸李大僕北使云漢幟隨移帳燕鴻辛解
 鞍何袁州云踈鐘靜起軍城晚華表雙高水國秋陳江

言言集卷之十三
陵云深沉蛛網通歸夢紫翠春山接去舟太乙宮云神
庭古柏啼鳥起齋室虛簾行霧通送入云思滿離亭酒
魂驚各合高高泉州云東南地迥肯烽息西北樓高晚
望迷章分寧云小雨郊原連苦霧名陽樓閣照丹楓東
封應制云羽毛襄野駕宴喜魯郊民送予知處州云輕
颺使車遠明月直廬空張僕射判河陽云綠野桑麻連
四水黃堂歌吹擁千兵孫永興云魚尾故宮迷艸樹龍
鱗平隄自風烟漢武云立候東溟邀鶴駕窮兵西極待
龍媒公子云歌番南國桃根曲馬過章臺香葉鞦韆花
云欲作飛烟散猶憐及照遲荷花云泪有鮫人見魂須
宋玉招禁中鶴云天淵風雨多秋思遼海烟波失舊期

留題云有時盤馬看九柳盡日投壺笑朱迴又云春瘦
已寬連理帶夜長誰有辟寒金元夜云九枝火樹連金
狄萬里霜輪上璧璫馬延州云沃野桑麻涵細雨嚴城
鼓角送斜陽劉筠直禁中云雨勢宮城闊秋聲禁樹多
陝州從事云角迥含秋氣橋長斷洛塵周賢良云崎嶇
一乘傳憔悴五羊皮南鄭云渝舞氣豪傳漢俗丙魚味
美敵吳鄉李太僕云惟月卿曹重占星使者賢送僧云
捲衲城鍾斷搯筇岳雨寒僧惠崇云醉令難同社仙鷺
肯換書葉金華云柔柔蔽野鳴雛雉高柳含風變早蟬
劉潭州云坐席久虛溫樹老心旌無柰楚風長又云沙
禽兩兩穿鈴閣江艸依依接射堂堯隴云溪殘未破冰

生硯爐酒新燒雪滿天又周賢良云春風亂鶯轉夕霧
一鴻冥張嶺南云山月想渾子風濤怒鯉魚西巡云龍
駕昌明御天旗太乙神張婺神云大野幾星分婺女清
風萬古感顏烏章南安云嶺雲夏變梅蒸早起雨秋藏
桂蠹多西京首坐云滎河帶繞中天閣空樂星懸大士
居題雪云劉伶醉席梅花地海客仙槎粉水天利州轉
運云鷓鴣蹲野芋誰為尹雪積泉鹽久置官章分寧云鶴
伴鳴琴公事晚烏鷺調角成城秋楊處州云朱飾兩番
巡屬邑案留雙筆在中其閣云三壤月臨承露掌九鷗
鳥繞守宮槐又云酒供硯滴濡毫冷火守更籌沃漏長
雪月云已回鄰面三年粉又結寒絲幾許冰汾陽道中

云鼓音記里純遠舞却鳴鸞玉步隨相洪州云桃葉

橫波人共醉劍心衝斗嶽常空李秦州云右城獨登

嶺密前旌雙抗出雲高劉潭州云洛田荒二頃楚浪漲

三篙槿花云吳宮何薄命楚臺不終朝宮詞云難消守

宮血易斷舞鸞物又云虹跨層臺晚螢飛夏死涼夏日

云雲容倏變千峰險草色相沿百帶長新蟬云異薄乍

舒宮女髮蛇輕合解羽人尸公子云行庖爨蠟彫胡熟

永埒鋪金血汗驕明皇云梨園法部兼胡部玉輦長亭

更短亭荷花云湔裙無限水障袂幾多風留題云荷

出水終無定蘿草從風莫自持又云藻井風高蛛壞網

杏園春暖燕爭泥味梨云先時櫻熟煩羊酪遠信梅酸

損瓠犀洞戶云密鎖香風深處戶亂飄梨雪曉來天贈
希晝云吟餘雲散葉坐久塵遺毛夕陽云塞迥橫垣紫

江清照葉丹園中云籠禽思隴樹洞犬識秦人柳絮云

平沙千里經春雪庚陌三條盡日高屬疾云風簾鷓

笑厨烟絕月樹烏驚藥杵喧燈夕云金徒抱箭壺水

玉宇風來蒲初禁中云萬年宮省樹五色帝家禽

晚唐詩句尚切對然氣韻甚卑鄭榮山居云童子病歸去

鹿麕寒入來自謂銖兩輕重不差有人作梅花云強半

瘦因前夜雪數枝愁向曉來天對屬雖偏亦有佳處

李廷老家有李揆與饒州刺史封漸仲容叔霽聯句揆筆

力適勁詩亦大佳略云光踐蓬瀛閣卧病淮海濱偶逢

鄱陽守宛是鄱陽人又云共仰新侯伯同瞻舊宰臣又

云鄉路轉思北客林巷喜南

王爽字李明王孝伯問曰古詩中何句為最佳爽未對孝

伯曰所遇無故物安得不速老此為佳

楊巨濟詩曰爐烟添柳重官漏出花遲帶田以下句為試舉

人詩題濟本作源

晏元獻稱國初待詔云醉輕浮世事老之里故鄉人張安道

亦稱紅塵三尺險中有是非波

晏臨淄宴集詩最多有一聯云春風任化落流水放杯行

惠崇遊長安云人遊曲江少草入未央深不減馬放降來

地鷗盤戰後雲

景祐三年後苑生雙竹宣宰相從臣賦詩知制誥李絢有詩云日迴龍並影風過鳳聯聲衆皆賞之前並詩史

嘗和杜祁公致仕詩云收得桑榆歸物外種成桃李滿人間亦佳雲齋廣錄

李元膺遊春詩云夾道桃花三月暮馬蹄無處避殘紅其標致如此

陳臺杜默預東平郡宴太守請賦海棠詩默云倚風莫怨唐工部後裔寧知不解詩坐客歎服詩史

臧謀梅花詩云綠楊解語應相笑漏洩春光却是誰人皆誦之

淇川人楊萬舉字通一作聞梧桐亦以雨詩云千里暮雲山已黑一燈孤館酒初醒素賈之意盡於此

華州華陰縣宰許入於縣解關一軒名曰增明取韓文公遙岑出寸碧遠目增雙明之意羽客姚太虛謁許公因書云遙岑寸碧尚增明何況雲峰三十六

楊茂德詩云河勢崐崙遠山形函首秋誠佳

錢昭度燈詩云繡帳夢驚中酒處朱門人語上朝時未若船中聞鷓鴣洞庭夜床下有蛩長信秋意格清遠

昭度又有聞角詩云風欲拋高兩壓沉黃昏前後五更深議者云此亦句之優者

王文穆罷相帥朝士皆有詩陳從易詩最佳云千重浪裏平安過百尺竿頭穩下來

景祐末吳玠夏鄭公守長安梅聖俞送詩云亞夫金鼓從
天落韓信旌旗背水陳鄭公獨刺此詩于石

范景仁喜為詩年六十三致仕一朝思鄉里遂輕行入蜀
故人李才元知梓州枉道過之歸至成都日與鄉人樂
飲散財於親舊之貧者遂遊峨嵋青城下巫峽出荆門
歲暮乃還京師在道作詩二百五篇有云不學鄉人誇
駟馬未饒吾祖泛扁舟此一二事他人所不能用也

范希文於江上見一漁父意其有德隱者也問姓名不對
但留一絕云十年江上無人問兩手今朝一度叉音前
閩嶺孟賈為性疎野不以名宦為意喜為章大諫楊徽之
稱之如寄張山人艸堂云掃葉林風後拾薪山雨前

蘇軾有法南女子為歌詩知名襄漢間孟浩然贈詩曰
一為陽上美夢更狂降來教作神仙客襄漢間然詩曰連
理枝前同設誓丁香樹下共論心先公熙寧中逐虜使
成亮錫見遺衣服刺此聯於裹肚上其下復刺丁香連
理男女設誓之狀虜人重此句為佳製詩史

明元中將軍宋清有神劍後為瓜州牧李廣琛所得奇舒
翰求之廣琛不與贈詩曰刻舟尋已化彈鋏示恩酬補
盧韋人陳沉立性僻野不接俗士黃損熊皎虛中師事之
寒食後云罷却兒女戲放他花木生閑居云掃地雪粘
帚村山鳥怕牛題水云點入旱雲千國仰力浮塵世一
毫輕齊已贈沉云四海方磨劍深山自讀書並雜言盤

張觀性沉靜未嘗艸書自詠曰保心如止水為行見真言
以為著題 桂苑雜錄

太上隱者人莫知其本末好事者從問其姓名不答留詩
一絕云偶來松樹下高枕石頭眠山中無曆日寒盡不
知年古今詩話

宋之問貶黜放還至江南遊靈隱寺夜月極明長廊行吟
曰鷲嶺巔巔巖堯龍宮隱寂寥未得下聯有老僧燭燈坐
禪問曰少年不寐而吟諷甚苦何耶之問曰欲題此寺
而思不屬僧曰試吟上聯之問誦之曰何不道接觀滄
海日門對浙江潮之問終篇曰桂子月中落天香雲外
飄捫蘿登塔遠剡水取泉遙雲薄霜初下水輕葉未

凋待入天台寺者余渡石橋僧一聯乃篇中警策也遲
明訪之已不見寺僧曰此駱賓王也

張俞成都人蜀以賢良稱之有詩行于世題武侯廟云高
光如有嗣吳魏豈勝誅又題御愛山云可勝亡國恨猶
有愛山心題洞庭湖云萬頃碧波看不盡一拳孤岫望

中明皆佳

劉禹得有獨吟曰巴人淚逐猿聲落蜀客舟從鳥道來一
姚合道旁亭子詩云南陌遊人回首去東林道者杖藜歸
不言亭亦佳

王摩詰酷好畫山水其畫山從聳谷邃雲浮水飛意出塵外
嘗自題云宿世吟詩客前身應畫師李璟定為妙品上

李益詩名有著征人早行篇好事者盡為面障如回鴈峰
前沙似雪受降城下月如霜天下歌之

胡擢詩善狀花木鳥獸飄然有物外意嘗謂人曰吾思苦
於三峽聞猿吟曰甕中每醞逍遙樂筆下閒偷造化工

唐南蠻侵軼西川僖宗幸蜀慮為患以女下降蠻喜其姻
聯大國遣宰相趙降眉楊竒鯤段義宗來朝行在高駢

自淮海飛章云南蠻心替唯此數人請留異待之迄僖
宗還京無虞用駢計也楊道軍各有詞藻途中云風裏

浪花吹更白雨中山色洗還青海鷗聚處窓前見林欵
啼時枕上聽

自唐以來試進士詩號省題時有佳句如梓州進士楊

天聖八年省試蒲車詩云草木驚皇轍山護帝輿是

歲下第景祐元年省試宣室受釐詩云願前入主席一

問洛陽人是歲及第未幾慶曆二年韓欽試勳門賜戟

詩云疑鋒畫翻轉交鏃采文繁范景仁曾見真本云迎

鋒畫翻轉映日采文繁姑兩存之蘇州進士王偃試通

英延講藝詩云白虎前芳掩金華舊事輕天心非不悟

垂意在蒼生有古諷諫意是年奏其高御前下第二

十年始第尋卒滕元發皇佑五年御試吹律聽軍聲詩

云萬國休兵外群生奏凱中又作西旅來王詩云寒日

邊聲斷春風塞草長傳聞漢都護歸奉萬年觴極為場

屋所稱揚謔有題驪山云行人問宮殿耕者得珠璣
孟蜀王時花蕊夫人能詩而世不傳王平甫於館中得七
言三十餘篇大約似王建詩云厨船進食簇時新列座
無非侍從臣日午殿頭宣索餽隔花催喚打魚人又月
頭分給買花錢滿殿宮娥盡十千遇着唱名多不語含
羞急過御床前並同前

楊文公在館閣時占城進獅子例進詩文公云渡海鯨波
息登山豹霧清雜說

章獻太后挽辭數百首唯石曼卿一聯首出曰震出坤柔
變乾成六極虛太后稱制日久仁宗端拱至是始親萬
機曼卿詩切合時宜又不卑長樂也古今詩話

嘉祐中劉諷都官簡州人方年六十三致仕夫婦徙居賴
山謝景山有詩送云移家尚恐青山遠茂隱几唯知白日
長朱公綽詩云諫州焚來應見史橐金散盡只留書

潘天錫員外與沈郎中宅相隣同遊古觀分題天錫云風
便磬聲遠日斜樓影長沈彬云松欹晚影離壇州鍾撼
秋聲入殿風郡閣雅談

唐宣宗重陽賜群臣宴詩曰欵塞旋征騎和戎委廟賢傾
心方倚注協力共安邊魏謩應制云四方無事去神豫
抄秋來八月寒光動千山霽色開宣宗嘉之南郡新書
魏野啄木云千林啄如盡一腹餒何妨有詩人規戒之風
閒居云妻喜栽花活童誇闢州贏得野人趣非急務故

也又云燒葉爐中無宿火讀書窓下有殘燈有嫌燒葉
貧寒太甚改葉為藥不惟壞此一句并下句亦減氣味
所謂求益反損也贈司馬君實云文雖如古道貌不似
貧家公監安豐酒稅赴官有行色贈云冷於陂水淡於
秋遠陌初窮見渡頭猶賴丹青不能盡畫成應遣一生
愁非狀難寫之景乎

寇萊公年十九進士及第知東色縣詩云野水無人渡孤
舟盡日橫又為江南春詩云波渺渺柳依依孤村芳艸
遠斜日杏花飛江南春盡離腸斷蘋滿汀洲人未歸膾
炙人口古今詩話

李長吉歌云天若有情天亦老以為奇怪無對石曼卿云
月如無恨月長圓

九華山人熊皎能詩早行云山前猶見月陌上未逢人山
居云果熟秋先落禽寒夜未棲閒居云深逢野艸皆為
藥靜見樵人恐是仙又云厭聽啼鳥夢醒后慵掃落花
春盡時雅言雜載

李範關中人善章句為道傍木云雖當南北路不得往來
人經王山人舊居云鶴歸秋漢遠人去草堂空秋日江
干遠望云清損啼遠木白鳥下前灘暮秋懷故人云天
涯故友無來信窓外拒霜空落花江寺閒書云釣叟無
機沙鳥睡禪師入定白牛閒同前

丁晉公任朱崖有詩數十篇號知命集有曰草解忘憂憂

底事花名含笑笑何人 古今詩話

陸子履言懷云薄有田園歸去好苦 無官况莫來休士君

子莫不賞味其意 青瑣集

湘南詩僧文喜為失鶴詩云一向亂 雲尋不得幾番臨水

待歸來上潭州刻 大稱許

河外僧清晤春日即事云宿鳥歸花 影潮魚沒浪痕郊外

晚菊云疊浪支層漢殘陽補斷霞 上賈侍中遂褒稱

范攄有子七歲能詩夏景云閒雲生 不雨病葉落非秋方

干曰必不享壽未十歲而終

劉昭禹字休明婺州人為詩刻苦不 懼風雨有云向向夜

深得心從天外歸言不虛耳 並同前

廖凝字熙績十歲詠棋詩云滿汀鷗不 散一局黑全輸作

者見之曰必垂名於後 郡閣雅談

裴說裴諧俱有詩名說官至補闕諧終 於桂嶺假官宰自

作湘江吟說詩云吟餘潮入浦坐久 燒移山諧詩云風

回山火斷潮落岸水高經杜甫墳說 云擬掘孤墳破重

教大雅生諧曰名終埋不得骨且朽 何妨景同而語意

俱別

呂文穆公未第時嘗遊一縣忘其縣名 胡大監旦方隨其

父宰是邑遇呂甚薄客有譽曰工於 詩宜少加禮胡問

其譽句客舉一篇卒章云挑盡寒燈 夢不成胡笑曰乃

一渴睡漢其呂恨而去明年省中甲 科因人寄語胡曰

詩話總龜卷之十三
渴睡漢狀元及第胡荅曰待我明年第二人及第輸君
一籌既而次榜亦中首選歐公詩話

許致殿丞及第後忽心恙為詩亂題房壁云有漏難求佛
無機好學禪又江上對月云江使不來秋練淨月娥長
在夜珠寒

詩話總龜卷之十三

增修詩話總龜卷之十四

警句明下

石曼卿以詩酒豪爽得名嘗獨行京師倏有豪士揖曼卿
語已而曰公幸過我家曼卿語諾豪士顧從騎載曼卿
同行入委巷前抵太第三四門乃至內堂庭戶宏麗施
設錦繡侍女珠翠延飲求曼卿書字曼卿寫已書其詩
箒筆驛等數篇豪士甚珍愛之贈曼卿金帛可直數十
百千使從騎送歸初不知其誰何後日尋迷不省所居
問里人不能知他日復遇之塗又以金數十兩贈曼卿
云箒筆驛詩意中流永遠愁外舊山青最佳

歐陽詹乾德中獻野史受黃崗宰有詩行於世聞猿云啼

猿非有恨行客自多悲聞笛云不知吹者意何似聽人
心卧屏云橫琴瑟遠洞舉手出高峰公字蘆云漁家合
得兩三莖公退徐吟思倍清官滿不將歸舊隱蕭蕭留
與後人聽雅言雜載

繆島雲少從浮屠詩尚奇險如拋芥子降顛佛佛折楊枝
灑醉猩猩復出前輩據言

湖南日試萬言王璘與字群玉校書相遇於岳麓寺群玉

揖之曰公何許人曰詠萬言群玉曰與公聯句可

乎璘曰惟子之命群玉破題授之曰芍藥花開菩薩面

璘繼之曰樓閣葉散夜叉頭

東坡云兒子邁幼嘗作杯檮詩云熟果無風時自脫半窓

迎日闌生紅於等輩中亦確有思致者今已老無他技

但時出此句作酸棗刷有詩云葉隨流水歸何處牛載

寒鷗過別村百斛明珠

眉山矮道士季伯祥好為詩格亦不能高徃徃有奇語如

夜過脩仁寺醉打老僧門皆可愛予幼時學於道士張

易簡觀下伯祥與易簡徃來嘗歎曰此即君貴人也不

知何以知之同前

狄煥南岳石樓曉望云數點當秋霽不知何處峰題岳路

松云一嶂雨聲歸洞壑兩條翠色下瀟湘雅言系述

曾弼長沙人依逸人王元為詩友宿玉泉寺云山偷半庭

月池印一天星君山云翠壓魚龍窟寒堆波浪心

蔣鈞字不器，營道人。與劉涇、陳甫為詩友。寄柳宣云：因借
夢書過，以寺學耕秋粟，繞滌原戎。昱詩：有一夜不眠，孤
寒耳主人。門外有芭蕉，鈞代答云：芭蕉葉上無愁雨，自
是多情睡斷腸。

史虛曰：嵩終人。廖凝寄之詩曰：飯僧春嶺巖，醒酒雪潭魚。
終於溢。

林楚才賀山富川人，贈致仕黃損詩云：身閒不恨辭官早，
詩好常得句遲。

陳甫字惟江，吉水人。贈黃岩云：清時不作登龍客，綠鬢開
梳傍草堂。漳江感懷云：一雨洗殘暑，萬家生早涼。村居
云：暮鳥知巢急，寒牛下隴遲。詩云：弄吟千百首，方得兩

三聯

高元矩宣城人，贈宣城宰云：硯貯寒泉碧，庭堆敗葉紅。贈
徐學士云：鸞掠琴絃穿靜院，吏收詩草下閒庭。

楊鳧字鳥之，閩人。山中即事云：昔日流泉生凍早，逆風歸
鳥入巢遲。

李平關右人，讀武帝內傳云：龍髯已斷，嬪嬙老，豹尾不來。
岐路長開，言云：至人無夢夢不到，天道惡盈盈有餘。

曹崧衡陽人，題衡山尋仙觀云：千年松引東陵鶴，三級芝
田草木香。贈陳先生云：讀太元經秋醮罷，註參同契夜

燈微。經羅大夫故居云：鹿眠荒圃寒蕪白，鷓噪殘陽敗
葉飛。

詩話卷之十四
祕館以上巳日會西池王仲至有二詩張文潛和之最工
云翠浪有聲黃帽動春風無力綵旗垂秦少游云簾幙
千家錦繡垂仲至笑曰此語又待入小石調也少游有
煩逸少書陳迹更屬相如賦上林之句諸人亦為難及
山谷曰余作兩句云清鑑風流歸賀八飛揚跋扈付朱三
未知可贈誰不能成章王直方詩話

有以長韻詩上王仲至其一聯云狗監傳新賦雞林購近
詩屬對頗工而終篇無若此者言辭鄙陋幾可絕倒豈
所謂寸有所長耶

舒王和入歌曲有暖字韻一篇余清老云更有一篇只記
一句云夕陽到處花偏暖及嘗代一小兒賦花糕詩一
絕恨不得見

荆公叔金陵嘗指壁上所題兩句云一水身一云田將綠
遶兩山排闥送青來

張墳字叔和謂余曰頃一日到洛中謁潞公方飯後坐於
一亭亭邊皆蘭旣見不交一談對坐幾時公方曰香來
也叔和以為平生所未聞潞公云凡香嗅之則不佳須
待其因風自至余始悟山谷詩云披拂不盈懷時有暗
香度

韓持國有云青烟人家綠野山四合當時無不傳誦
東坡云參寥善絕句有云隔林彷彿聞機杼知有人家在
翠微每為人誦後來黃州黃州半年京師故人以書

遺曰知有僧在彼非隔林
彷彿聞機杼和尚耶僕謂參
寥曰此吾師七字師師也

梅聖俞在禮部考校時和歐陽文忠公春雪詩云有夢皆
蝴蝶逢袍只紵麻用事如此乃可貴

余愛張文潛過宋都詩云白頭青髮有存沿落日斷霞無
古今不減老杜

山谷有光山道中雪詩云山斲斗柄三星沒雪共月明千
里寒都尉王晉卿足成鷓鴣天云才子陰風度速關清
愁曾向畫圖看山斲斗柄三星沒雪共月明千里寒新
路陌舊江干崎嶇誰歎客程難臨風更聽一城華笛款款
梅花滿地殘

舒王與吳彥律云含風鴨綠鱗鱗起弄日鷺黃裊裊垂
白云此幾凌轡造物

張文潛謂余曰黃九云桃李春風一盃酒江湖夜雨十年
燈真奇語並同前

詩云千山送客東西路一樹照人南北枝王康功推官作
牛丞相奇章公初為詩矜奇特語至有地瘦草叢短句明
年秋卷成呈之曰有求色必赧憑酒竟乃伸益加能矣
明年乃上第因曰楊茂卿云河勢崐崙遠山形菡萏秋
此過華陰山下作初用蓮峰作菡萏的當而暗盡矣

劉禹錫佳話錄

蜀王建時楊義方能文詞為春日詩云海邊紅日半離水

天外暖風輕到花贈王樞密云雨聲鞭自禁門出一簇
人從天上來異聞錄

唐求劉郇伯有詩名唐求臨池洗硯詩云恰似有龍深處
卧被人驚起黑雲生又漸寒沙上路欲暝水邊村早行
云沙上鳥猶睡渡頭人已行詩思不出二百里間劉郇
伯為范鄭郎中詩友范得句云歲盡天涯雨久而難對
劉郇伯曰人生分外愁范賞之然老于新津之東渡非
隱非吏二子亦可凌厲名場而死丘樊所謂蜀人無志
懷土正此也北夢瑣言

余問山谷今之詩人誰為冠曰陳無已其佳句可得聞乎
曰吾見其作温公挽辭一聯便知其才不可敵曰政雖

隨日化身已要人杜

盛次仲孔平仲同在館中嘗夜論詩平仲曰當作不經人
道語曰斜拖闕角龍千尺澹林墻暝月半稜次仲曰甚
佳其未大乃曰看來天地不知夜飛入園林總是春平
仲乃服並同前

舒王嘗寄蔣山元禪師詩曰不與物違真道廣每隨緣起
自禪深冷齋夜話

唱和門

熙寧間初作東西府望氣者云有天子之氣及府成車駕果
幸張揆以詩慶二府諸公荆公和云空留上主經過迹
更費高人賦詠才倦游錄

唐路德延有孩兒詩五十首傳於世侍立張公師錫次韻
成老兒詩曰鬢髮盡皤然眉分白雪
鬚週迴延客話
僂抱孫憐無病常供粥非寒亦衣綿
溫衾擁背借力
杖搯肩貌比三峰老年過四皓仙喚方
離枕上扶始到
門前每愛烹山茗嘗嫌打石蓮耳聾
塞續眼暗似籠
烟宴坐羸扶几乘騎困鞞鞭頭搖如轉
旋唇動若抽牽
骨冷愁離火牙疼怯漱泉形骸將就木
囊橐尚貪錢
膠睫乾眵綴粘髭冷涕懸披裘腰瀨
澀濯手袖瀟灑抬
舉衣頻換扶持藥屢煎坐多茵易破行
少履難穿喜婢
裁裙布嗔妻買粉鈿房教深下幕床
沿厚鋪毡琴聽憐
三樂圖張笑七賢看經嫌字小敲磬
喜聲圓食罷羹

流袂盃餘酒帶涎樂來須遣罷醫到
久相延裹帽縱橫
掠梳頭取次纏長吁思往事多感聽
哀絃氣注腰還重
風牽口更偏墓松先遣種誌石預令
鐫客到唯求藥僧
來忽問禪養茶懸土竈曝文晒簷椽
怒僕空睜眼頂童
謾握拳心驚嫌踣蹠脚軟怕鞦韆
局縮同寒狄推逐似
餓鳥觀瞻多目眩舉動即頭旋女嫁
求紅燭男婚乞彩
牋已聞頰几杖寧更佩韋弦賓客身
非與兒孫事已傳
養和屏作伴如意佛相連久矣登山
屐惟存負郭田呻
吟朝不樂展轉夜無眠呼稚臨床伴
看書就枕邊冷懷
疑貯水虛耳訝聞蟬束帛非無分
安重信有緣伏生甘
坐末絳老讓行先拘急將風夜昏沉
飲雨天雞皮塵旋

言言續集卷之十四
潰見齒食頻填每憶居郎省常思釣渭川喜逢迎佛會
羞赴賞花筵徑遠令移檻塔危索滅補好生焚鳥網惡
殺杜魚船既感桑榆日常嗟蒲柳年下思當弱冠悔不
賸狂顛青箱雜記

牛僧孺將赴舉時投贄於劉夢得對客展讀飛筆塗去鼠其
文居三十年夢得守汝牛出鎮漢南口道汝水雕旌信
宿酒酣贈詩於夢得曰粉飾為郎二上春向來名輩更
無人休論世上升沉事且問尊前見仕身珠玉會應成
咳唾山川猶覺露精神莫嫌恃酒輕言語曾把文章謁
後塵意得方悟往年改文卷之事和查云昔年曾亦漢
朝臣晚歲空餘老病身初見相如成賦日後為水相倚

門人追思往事咨嗟父幸喜清風語又頻猶有當時舊
冠劍待公三日拂埃塵古今詩話

長慶二年錢起自中書舍人知舉放進士周墀及第後同
在翰林會昌三年起自僕射再放榜時周墀任華州因
寄詩賀叙同在翰林日文場三化魯儒生二十餘年振
重名曾亦不雞誇羽翼又陪金馬入蓬瀛雖欣月桂居
先折更羨春蘭最後榮欲到龍門看風水關防不許暫
離營答曰貢院離來二十霜誰知更亦主文場楊葉縱
能穿舊的桂枝何必授清香九重每憶同仙禁六藝初
吟得夜光莫道相如不相見蓮峰之下有龔黃人以為
絕唱廣卓異記

韋中憲蟾廡問鄂州春日除 祖筵上題文選兩句云悲

莫悲兮生別離登山臨水送將歸以毫牋授賓從請續

其句坐中悵望皆不屬有酒妓泣然曰某不知欲口占

兩句乃曰武昌無限新開柳不見楊花撲面飛坐客嘉

歎韋有贈龔僧詩云岷嶺東西烟靄合兩間茅屋一溪

雲僧云師童誰解知師意人非不欲聞雅言雜載

曹相確鎮浙西日會湖中郡判官王樞舉進士嚴憚詩曰

春光冉冉歸何處更向花前把一盃盡日問花花不語

為誰零落為誰開玉抑其才調和曰花落花開人世夢

衰榮閒事且持盃春風底事輕搖落何事從來不要開

同前

龔穎自負文學少許可又談論多所折難知鼎州士罕造

其門獨丁晉公執文求見穎倒屣迎迓酌對終日至于

忘食曰自唐韓柳後今得子矣翌日丁獻詩於穎穎次

韻和酬曰膽怯何由戴鐵冠只緣昭代獎孤寒曲肱未

遂違前志直指無聞是曠官三諫每傳朝客說五溪閒

凭郡樓看祝公早得文場雋况值天塔正舞干青瑣雜記

江西韋丹大夫與僧靈徹為忘形之契寄徹詩云王事紛

紛無暇日浮生冉冉只如雲已為平子歸休計五老峰

前必共論徹酌曰年老身閑無外事麻衣草坐只容身

相逢盡道休官去林下何曾見一人雲溪友議

白中令鎮荆南杜蘊常侍問長沙諸從事盧發致聘焉發

詩

言言集卷之十四
酒酣傲睨公少不懌因改著詞令曰十姓胡中第六胡
也魯金闕掌洪爐少年從事誇門地莫向尊前喜氣粗
盧荅曰十姓胡中第六胡文章官職勝崔盧暫來關外
分優寄不稱賓筵語氣粗公極歡據言

梅聖俞客歐陽晦天使二書茅庵已居其中一琴橫牀而
已曹子方作詩四韻僕和云寂寞王子猷迎船剡溪路
超遙戴安道月夕誰與度倒披王恭氅半掩袁安戶應
調折弦琴自和撫髮須句百斛明珠

東坡云余在廣陵與晁無咎景秀道人同舟送客山光寺
客去余醉卧舟中秀作詩云扁舟樂興到山光古寺臨
流勝氣藏慚愧南風知我意吹將州木作天香予和云

開裏清遊必以光醉時真境發天藏夢回拾得吹來句
十里南風草木香余昔對文忠公誦文與可詩云美人
却扇坐羞落庭下花公曰此非與可詩世間元有此句
與可拾得耳後五年秀來惠州見予偶道其事直方詩話

鄧洵美連山人乾祐二年中進士第與司空昉少保傳同
年謁劉氏不禮歸武陵時周氏有其地且辟在幕府未
幾司空氏自禁林出使武陵與洵美相遇贈詩曰憶昔
詞場共着鞭當時鶯谷喜同遷關河契闊三千里音信
稀踈二十年君遇已知依玉帳我無才藻步花磚時情
入事堪惆悵天外相逢一泫然洵美和云詞場幾度讓
長鞭又向清朝賀九遷品秩雖然殊此日歲寒終不改

當年馳名早已超三院侍直仍忻步八埒今日相逢
自愧閑吟對酒倍潸然相國歸闕率偕載而辭以疾不
行相國語同年少保公公時在黃閣洵美在武陵又爲
詩寄之云衡陽歸鴈別重湖啣到同人一紙書忽見姓
名雙淚落不知消息十年餘綠衣我已登黃閣白社君
猶葺舊居南望荆門千里外暮雲重疊滿晴虛周氏疑
洵美漏洩密謀急追捕易俗場官而遇害建隆初王師
下湖湘相國復收衡陽道經易俗場作詩弔曰十年衣
染帝鄉塵踪跡仍傳活計貧高擡拄杖曾遂志假拖藍
綬至終身侯門寂寞非知己澤國洒惶似旅人今已向
公墳畔過不勝懷抱暗酸辛雅言系述

山谷云金華俞清老名子中三十年前與予共學於淮南
元豐甲子相見於廣陵自云荆公公使之以脫縫掖着僧
伽藜奉香火於半山宅寺所謂報恩禪院者予之僧名
紫琳字清老無妻之累去作半山道人似為不難事然
生龜脫筒亦難堪恐後數年見之而冠自若因嘗戲和
清老詩曰索索葉似兩月寒遙夜叩馬嘶車鳴鐸群動
不遑安有人夢超俗去髮脫儒冠平明視清鏡政爾良
獨難子瞻屢哦此詩以為妙直方詞話

乾祐元年戶部侍郎王仁裕故王溥狀元及第溥不數年
拜相仁裕時爲太子少保有詩智白一戰文場拔趙旗
便携金鼎替無為白麻驟降恩何厚黃閣初開喜可知

跋勅案前人到少築沙堤上馬行遲押班長幸遙相見
親狎爭如未貴時溥和曰揮毫文戰偶奉旗待詔金華
亦偶為白社遽當宗伯選赤心旋遇聖人知九霄得路
榮雖極三接承恩出每遲職在公司多少暇親師不及
舞雲時廣卓異記

魯直使余對白曰呵鏡雲遮月對曰帝粧露著花魯直罪
余於詩深刻見骨不務含蓄余竟不曉此論當有知者

同前

增修詩話總龜卷之十四

增修詩話總龜卷之十五

留題門上

呂申公累乞致仕仁宗不允他日復叩便坐度其不可留
因詢曰卿去誰可代者申公曰知臣莫如主陛下自擇
堅固之乃引陳文惠曰陛下必欲得英俊後經綸之臣則
臣所不知若圖任老臣鎮安百度周知天下事無如陳
堯佐仁宗然之文惠遂大拜極懷薦引之德因作燕詞
携酒過之申公使之歌焉詞云二社良辰千家庭院翻
翻又見新歸燕鳳凰巢穩許為鄰瀟湘烟暝來何晚亂
入紅樓低飛綠岸畫梁時拂歌塵散為誰歸去為誰來
主人恩重朱簾捲申公笑曰自恨捲簾人已老文惠曰

莫愁調鼎事無功老於廊廟而醞籍不減昔任浙曾有
吳江詩曰平波渺渺烟蒼蒼菰蒲纒纒熟楊柳黃扁舟繫
岸不忍去秋風斜日鱸魚鄉又碧瀾堂詩云若溪清淺
雪溪斜碧玉寒光照萬家誰與月明終夜聽洞庭漁笛
隔蘆花古今詩話

徐州漢興歌風臺詩雖多張安道詩最絕云落魄劉郎作
帝歸樽前一曲大風詞才如信越猶蘊醢安用思他猛
士為青箱雜記

臨潼朝元閣詩雖多唯陳文思二韻首出曰高閣高閣迥
秋毫無隱情浮雲忽一蔽不見漁陽城

張退傅宰邵武時多遊僧舍至則吟詠忘歸題西庵寺曰

西庵深入西山裡筭得當年少客遊密密石叢蟠小徑
涓涓雲竇瀉寒流松皆有節垂青蓋僧盡無心也白頭
欲刷粉碑書好字調卑官穴不堪留題竇蓋巖寺云
身為冠冕流心是雲泉客每到雲泉中便擬忘歸迹况
此竇蓋巖天造清涼宅稅車官道遠誰知願言適過建
寧縣洛陽村曰金谷花時醉幾場舊遊無日不思量誰
知萬水千山裡杜被人言過洛陽並同前

張伯玉過姑蘇熟見太白十詠不及明月泉因題一絕曰
至今千古松猶伴數峰雪不見纖塵飛寒泉湛明月

陳文惠至古寺作詩曰殿古寒爐空流塵暗金碧獨坐偶
無人又得真消息春明退朝錄

顏謝魯公之後所居有泉石松竹創亭延客孟賓于留題
詩曰園林瀟灑聞來久欲往因循二十秋今日開襟吟
不盡碧山重疊水長流江南野錄

陳穎南昌人業進士題漢祖廟曰項羽英雄猶不懼可憐
容得辟陽侯得狂病而卒同前

長安慈恩寺浮屠前後題詩多矣唐文宗朝元微之曰樂

天到塔下見章八元所留詩悉令除去諸家牌惟留章

詩詩云十層突兀在虛空四下門開面面同却怪鳥飛

平地上自驚人語半天中回梯暗踏如穿洞絕頂初攀

似出籠落日鳳城佳氣合滿城香樹雨濛濛鑑戒錄

向雍興雅州送客至情盡橋改為折柳橋題詩曰從來

只有情難盡何事名為情盡橋自此改名為折柳從他

離恨一條條

施肩吾題友人閒居詩曰花眼綻紅斟酒看藥心抽綠帶

烟鈎

夫差廟折姑蘇臺木枿成陳羽題詩曰姑蘇臺畔千年木

刻作夫差廟裡神幡蓋寂寞虛堂滿不知蕭鼓樂何入

並同前

陳羽姑蘇臺詩云憶昔吳王爭霸日歌謠滿路上蘇臺三

千宮女看花處人盡臺空花自開

程詠君山詩曰曾遊方外見麻姑說道君山此本無云

是崑崙山頂石海風吹落洞庭湖鑑戒錄



原件短缺

劉象詠仙掌詩曰萬古亭亭倚碧霄
天成擎亦不成招
何如掬取蓮池水洒向人間救旱苗
同前

砌臺即今擦擦臺也王侯家作以爲臨觀之戲
唐張素詩云馬望臨香閣登高下砌臺
林間踏青去席上意錢來即知唐來有之
太祖朝大王都尉家其子承裕幼時其父戲補砌臺使談苑

楊文公罷虔州過饒州餘干縣登干越亭前暇琵琶洲後枕思禪寺天下絕境古今留題百餘篇
張祐詩云扁舟亭下駐烟波十五年游重興過洲
甯露沙入渡溪樹梢藏竹鳥啼多層瀾漲水痕猶在古板題詩字已訛况是

高秋正圓月可堪聞唱異鄉歌
劉長卿云天南愁望絕

猶綠鶴化幽翎頂更殷阮洞神仙分藥去蔡家兄弟
書還黃精苗倒眠青鹿紅杏枝低掛白鷗容易煮茶供
客用辛勤栽果與猿攀常尋靈穴通三島擬過流沙化
百蠻新隱漸開侵月窟舊林猶悅枕沙灣手疏俗禮慵
非傲肘護靈方臂不慳海上使頻青鳥點篋中藏火白
驢頑筇枝健杖菖蒲節算擲高簪玳瑁斑花氣薰心香
馥馥澗聲聆耳冷潺潺高墳自掩浮生骨短晷難窮不
死顏早晚重逢蕭塢客頭隨芝蓋出塵寰
台國初時任屯田員外郎世有全篇

荆門軍玉泉山寒泉亭題者甚多有一篇最佳而忘其姓名
詩云朔風凜凜雪漫漫未是寒時分外寒六月火雲

天不雨請君來此倚闌干靈齋廣錄

張宗尹為長安令時鄭州陳相尹京兆宗尹嘗以事忤公
意公有別業在鄆杜間宗尹書一絕于壁云喬松翠竹
絕纖埃門對南山盡日開應是主人貪報國功名遂
不歸來有人錄以告公覽而善之待之如初宗尹嘗有
詩云大書文字隄防老剩買田園準備閒倦游錄

臨潼縣靈泉觀唐清華宮也自唐迄今題詠不可紀小杜
五言長韻并三絕泊鄭愚津陽門詩外唯陳文惠張文
定及進士楊正倫詩最佳文定詩云當時不是不窮奢
民樂昇平少嘆嗟姚宋未亡妃子在塵埃那得到中華
文惠詩云百首新詩百意精不充妃子只充兵爭如一

句傷時事只為明皇恃太平正倫詩曰休罪明皇與貴
妃大都衰盛兩相隨惟憐一派溫泉水不逐人心冷暖
移又鄭文寶詩云只見開元無事久不知貞觀用功深
皆為知音所賞

鄆州東百里有水石相思河傳舍曰相思舖令狐楚詩曰
誰把相思號此河塞垣車馬往來多只應自古征人淚
灑向空州作碧波並同前

韓魏公自中書出相州於居第作狎鷗亭永叔以詩寄曰
豈止忘機鷗鳥信釣陶萬物本無心魏公喜曰余在中
書進退升黜未嘗置心於其間永叔可謂知我古今詩話
呂文靖詩曰賀家池上天花寺一一軒窗向水開不用閉

門防俗客愛閑能有幾人來賀家池即賀監所賜之湖
詩後為風雨所損惜乎寺僧不留雜誌

唐人徐凝多吟絕句曾吟廬山瀑
直雷奔入江無暫息今古長如
布詩云瀑泉瀑泉千丈
白練飛一條界破青山

色題處州縉雲山昂湖詩云
昔帝旌旗去不回空遺片
石碧崔嵬有時風捲昂湖浪
如作青天雨點來後無題

者郡閣雅談

權審常侍著詩千首常題山院曰
萬葉風聲利一山秋氣

寒曉霜浮碧瓦落日度朱欄
言交詩話

江南道士任右元能篆見人題
州忠烈王廟詩一絕云

松竹蕭蕭野笛悲寂寥冰雪
以旌旗前山月夜陰風起

神去神來人不知時人不會其意尋毀其碑元厚之篆

于石右愈無識者因此漫滅郡閣雅談

鄧仙客死葬麻姑山人謂尸解遊人題詩多矣有一少年

一絕不言姓名但云天嶠遊人詩曰鶴老芝田雞在籠

上清那與世塵同既言白日昇天去何事人間有殯宮

鄧名稍減雲溪友議

三鄉題不知誰氏題云余本家若耶溪東從良人西入函

關寓居新昌里第不幸良人已矣邈然無依東邁歷渭

川涉澹水背終南沙太華經魏略抵陝郊皆曩昔讌遊

之地命筆輒題終不能勝其懷抱翰墨非女子事故隱

其名而不書為詩曰昔逐良人西入關良人身沒妾空

還謝娘衛女不相待為雨為雲過此山和詩十一首陸
正洞云惆悵殘花怨暮春孤鸞舞鏡倍傷神清詞好箇
干人事疑是文姬第二身王祝云女凡山前嵐氣低佳
人留恨此中題不知雲雨歸何處空使王孫見即迷劉
谷云蘭蕙芬芳見玉姿路傍花笑景遲遲葑蘿山下無
窮意併在三鄉惜別時王條云浣沙遊女出關東舊跡
新詞一夢中槐陌柳亭何限事年年回首向東風李昌
鄴云紅粉蕭娘手自題分明幽怨發雲間不應更學文
君去泣向殘花歸剡溪王顧云無姓無名越水濱芳詞
空怨路旁人莫教才子偏惆悵宋玉東家是舊鄰李繪
云會稽王謝兩風流王子沉淪謝女遊歸思若隨文字
在路傍空為感千秋張礪云洛川依舊好風光蓮帳
因見女郎雲雨散來音信斷此生遺恨寄三鄉高衢云
南北千山與萬山軒車誰不念鄉關獨留芳翰悲前迹
陌上恐傷桃李顏章冰云來時歡笑去時哀家國迢迢
向越臺待寫百年幽思盡故宮流水莫相催賈馳五言
云壁古字未滅聲長響不絕蕙管本如雲松心應柰雪
耿耿離幽谷悠悠望甌越杞婦哭夫時城摧無此說雲
漢友議

吳門女郎真娘死葬虎丘山時人比之蘇小小行客題墓
多矣舉子譚銖題云虎丘山下塚累累松柏蕭條盡可
悲何事世人唯重色直娘墓上獨留詩

鄭仁表經滄浪峽憇於長亭亭吏持牌乞詩題曰分峽東
西路正長行人名利火焚湯路傍看箇滄浪峽真是將
閒攪攪忙據言

蜀道有飛泉亭留詩甚多薛能佐李公過蜀道題云賈掾
曾經去題詩豈易哉悉打去詩板獨留李端巫山高一
篇同前

元祐五年同景文義伯聖徒次元題竹上云結根豈殊衆
脩柯獨出林孤高不可恃歲晚風霜侵百斛明珠

余初謫嶺南過田氏小園東門一峰豐下銳上俚人謂之
鷄籠山余更名曰獨秀峰公過之留詩云倚天巉絕玉
浮圖肯與彭郎作小姑獨秀江南如有意要三三別四

方壺玉局文

慈恩寺塔有唐人盧宗回一詩云東來曉日上翔鸞西轉
蒼龍拂露盤渭水冷光搖蕩井玉峰晴氣厭蘭干九重

金望長安古今詩話

江州琵琶亭題者惟夏鄭公梅公儀詩佳夏詩曰年光過
眼如車轂職事羈人似馬嘶若遇琵琶應上笑何煩涕
淚滿青衫梅詩云陶令歸來為逸賦樂天亦夏官起悲歌
有絃應被無絃笑何況臨絃泣最多又葉氏亦女即詩云
樂天當日最多情淚滿青衫酒重傾明月亦兩船無處問
更聞商婦琵琶聲古今詩話

河中鸛鷓樓唐人極多唯王文與李益暢詩最佳王云白

日依山盡黃河入海流欲窮千里目更上一層樓李云
鶴鶴樓前百尺墻烟汀雲樹共茫茫漢家蕭鼓沉流水
魏國山河半夕陽事去千年猶恨短愁來一日即知長
風烟併在相思處滿目非春亦自傷暢詩云天勢圍平
野河流入斷山同前

李建中恬進作詩清淡望湖樓詩云小艇閒撐處湖天景

亦微春波無限綠白鳥自由飛落日孤鴻遠輕烟古寺

稀時携一壺酒戀到晚涼歸西湖詩云漲烟春氣重貯

月夜痕深皆此類古今詩話青雜記謂望湖樓詩是蘇為在湖州作

潘邠老有登漢陽江樓詩云兩夜上層樓一目略千里說

者以為著處豈可登樓直方詩話

陸龜寓居潭州攸縣司空山好神仙事多辟穀累月題

山瀑布云正源人莫測千尺掛雲端岳色染不得神功

裁亦難夏噴猿鳥浴秋射斗牛寒流到滄溟日翻濤更

好看又春暮經石頭城云六朝多少事指肘思悠悠落

日空江上子規啼渡頭兼散後壞壘烟霧接滄洲今古

分明在那堪向九秋雍樵中服藥卒雅言雜載

李宏臯唐末八座善夷之子善夷左遷武陵幸卒於官宏

臯擢觀賜故園途中值兵革為馬氏擁入湖湘文昭王

有功授學士至刑部侍郎每牋奏至京辭臣降數李崧

相國器之後馬氏兄弟結隙與弟宏節俱棄市少攻詩

題桃源云山翠參差水渺茫秦人昔在楚封疆當時避

世乾坤窄此地安家日月長
草色幾經壇杏老岩花猶
帶澗桃香他年倘遂平生志
來着霞衣侍玉皇

任鵲字射已富有學問題君山云
不得揚帆路盤根壓洞
庭波濤四面白雲外一堆青魚躍
晴波動龍歸石洞腥
纔期託名畫為我簇為屏送王正已歸山云
五峰青挂
天直下掛飛泉琴鶴同歸去烟霞到處
眠鼯跳霜葉徑
虎嘯夕陽川獨酌應懷我排空樹影連
並同前

韓常侍為郎吏日宣宗問曰卿有好詩如何得見韓禧首
曰容至私第錄進乃選八十首進後以眼疾辭拜耳貂
為御史銜命出關譴獄道中看華山有詩曰野糜蒙象
暫如犀心不驚鷗角駭雞一路好山無伴看斷腸烟景

寄猿啼

御史出使不得與時人同行故云無伴

時補衣謝病歸山史寄織錦

篇與薛郎中云錦字龍梭織錦篇
鳳凰文采間非烟並
他時世新花樣虛費工夫不直錢
和入憶鶴云拂拂雲
久冠紫烟已為丁令一千年留君且伴居山客
幸有松梢明月天又和
惺惺山泉云情多不似家山水
夜夜聲聲旁枕流
古今詩話

少游在黃州飲於海濱橋南北多海棠
有老書生家海棠
叢間少游醉卧
此明日題其柱曰喚起一聲人悄
衾枕夢寒窓曉
簾雨過海棠晴
春色又添多少
社燕釀成微笑半破
共酒覺健到急投床醉鄉
廣大人間小東坡愛之
恨不得其腔
冷齋夜話

增修詩話總龜卷之十五

增修詩話總龜卷之十六

留題門下

松江新作長橋制度宏麗前所未有蘇子美長橋對月
云雲頭焰焰開金餅水面沉沉卧彩虹時謂此橋非此
句雄偉不能稱也子美兄舜元字才翁詩律道勁而獨
罕傳與子美紫閣等聯句無愧韓孟恨不盡見之

李古少貧賤一舉成名不二十年自副樞密除本州刺史
有登祝融峰云欲上祝融峰先登古石橋鑿開巖嶮處
取路剗丹霄南唐近事

陳誼吉州人題螺江廟云廟裏杉松蕭颯風廟前江水碧
溶溶凭闌不見當時事落日遠山千萬重太平興國中

言詩錄卷之十一
史館學士張齊賢出為本道轉運使至其廟覽留題詩
牌甚多俱打去獨留誼詩方知名郡閣雅談

鄧中寺壁有鄭文寶詩親筆寒食訪僧舍云客舍愁經百
五春雨餘溪寺綠無塵金花何處歎鞦韆鼓粉頰誰家
草人水上碧桃流片段梁間歸燕語逡巡高僧不飲客
携酒來勸先朝放逐臣古今詩話

章碣題焚書坑云竹帛烟銷帝業虛昔年曾是祖龍居坑
灰未冷江東亂劉項元來不讀書

舒州三祖山因芟薙蘿蔓峭壁間得詩乃杜牧之金陵懷
古云玉樹歌殘王氣終景陽鍾動曉樓空楸梧遠近千
家樹禾黍高低六代宮石燕拂雲晴亦雨江豚吹浪夜

還風英華一代豪華盡惟有江聲似洛中

范文正謫睦州過嚴陵釣臺作詩曰漢包六合網英豪一
箇豈鴻惜羽毛世祖功臣三十六雲臺爭似釣臺高

繁知一聞樂天將過巫山先於神女祠粉壁大書曰蘇州
太守真才子行到巫山必有詩為報高唐神女道速排

雲雨待清詞白公見詩邀知一曰劉夢得禮白帝欲留
一詩於此怯而不敢罷郡經過悉去詩千餘首只留四

篇沈佺期曰巫山高不極含春狀奇新聞谷疑風雨幽
崖若鬼神月明三峽曉潮落九江春為問陽臺客應知

入夢人王無兢曰神女向高堂巫山下夕陽徘徊作行
雨婉孌逐荆王電影江前落雷聲峽外長霽雲無處所

臺館時倉倉李端曰巫山十二峰皆在碧虛中迴合雲
藏日霏微雨帶風狼聲寒渡水樹色遠連空愁向高唐
去千秋見楚宮皇甫冉曰巫峽見巴東迢迢出半空雲
藏神女館雨到楚王宮朝暮泉聲落寒暄樹色同清猿
不可聽偏在九秋中

金陵賞心亭丁晉公建也秦淮絕致公以家藏衣安卧雪
圖張於其屏乃唐周昉筆經十四守無敢覬覦者後為
太守竊去以几筆畫唐鳳易之王密學琪來乍守登臨
賦詩曰千里秦淮在玉壺江山清麗壯吳都昔人已化
遠天無舊畫難尋卧雪圖得流年去京國蕭蕭華髮
老江湖殘蟬不會登臨意入座隅此詩乃竊

竊畫者蕭斧也同前

蘇州崑山縣惠聚寺殿基乃鬼神一夕砌成殿中有僧繇
畫龍每因風雨夜騰起波濤傷田害稼鄉人患之僧繇
再畫一鎖鎖之仍畫一釘釘其鎖至今人捫其釘頭尚
隱隱唐乾寧初吳都崔融善五言題惠聚云人莫嫌山
小僧還愛寺靈殿高神氣力龍活客丹青同前

丁晉公舊有園在保康門外園內有仙遊亭仙遊洞與道
士劉道性來適作仙遊亭詩贈公云屢在仙遊亭上醉
仙遊洞裏香無人他時鳴鶴歸滄海同看蓬萊島上春
公莫曉其詩後公南遷適往見公於崖方思其詩知為
異人也古今詩話

洪州西山與滕王閣相對過客多留詩有僧覽之告郡守

曰詩無佳者何不去之守愕然曰能作佳句乎因為詩

曰洪州太白方積翠倚空蒼幾夜碍新月半江無夕陽

雜言雜載古今詩話與陳文亮詩亮因天下既定
作詩云半江無夕陽

真州即揚州之揚子縣古白沙鎮也祥符中丁晉公鉉聖

祖天尊像遂為真州有儀真觀西一水縈迴南入大江

號曰胥浦一日三潮俗云子胥解劍渡江之所觀之記

載使者以像存舟日方午潮水忽至今有午潮張芸叟

有詩云聞說仙鄉接瀨鄉閑遊詩侶禮虛皇三潮寶派

通前浦萬葉靈杉蔽蜀壘天地杳冥供像江山迴合

助靈祥五雲送入蓬萊島留與人間作道場

金陵昇元寺即瓦棺寺也在城西隅前瞰江面後踞崇崗

最為古跡累經兵火略無彷彿李氏時昇元閣猶在乃

梁時故物高二百四十尺太白所謂日月隱簷楹也

瓜州渡揚子橋介於江淮之衝南之瀟湘北走秦壠咸此

取道古詩云揚子江頭楊柳春楊花愁殺渡江人數聲

羌笛離亭曉君向瀟湘我向秦

元稹相廡問東浙七年因題東武亭曰役役閑人事紛紛

碎簿書功夫兩衙留滯七年余病痛梅天發親情海岸

疎因循歸未得不是鱸魚虛簡夫侍御曰丞相不應

鱸魚為好鑑湖春色春色謂劉采春並同前

陳希夷題西峰云為愛西峰好吟頭盡日昂巖花紅作陣

詩話續編卷之十六
溪水綠成行幾夜碍新月半江無夕陽寄言嘉邈客
處是仙鄉翰府名談

陳希夷題華山云半夜天香入巖谷西風吹落嶺頭雲
愛掌痕侵碧漢無人曾歎巨靈仙同前

王仲儀鎮真定惠愛在人罷日攀轅卧轍不得去題村寺
曰寬猛一年無枉理公私兼濟不欺心如今受代朝天
去遮路人人淚滿襟同前

裴晉公赴敵淮西題名於華嶽之關門大順中戶部侍郎
司空圖以一絕之云岳前大隊赴淮西從此中原息戰
聲石闕莫教蒼蘚上分明認取晉公題古今詩話

開元初鄭瑤經慈恩寺題云岸與恩同廣波將慈共深涓

涓勞日夜長似下流心南部新書

郴州城東有山高秀神仙蘇耽將真之所唐封為蘇仙山
觀有泉名曰橘泉元結詩曰靈橘無根井有泉世間如
夢又千年鄉關不見重歸鶴姓字今為第幾仙風冷露
壇人悄悄地閑荒徑草綿綿如何躡得蘇君跡白日霓
旌擁上天沈彬詩曰眼穿林罅見郴州井里相逢側局
揪味道不來閑處坐勞生更欲幾時休蘇仙宅古烟霞
老義帝墳荒艸木愁千古是非無處問夕陽西去水東
流接遺

鄭毅夫題吳江長橋云挿天蛟螭玉腰闊跨海鯨鯢金背
高青瑣集

祝融留題甚多謝元云雲濕幽岩滑風梳古木香僧栖岩
云閑雲四邊盡浮世一齊低

羅隱留金山云老僧齋罷關門睡不管波濤四面生孫山
云結宇孤峰上安禪巨浪間亦可亞張祐詩

潤州甘露寺有三賢亭乃劉備孫權曹操徵時嘗會此羅
隱詩云漢鼎未分聊把手楚醪雖美肯同心過者心服

馬同前

衡州來陽有杜甫祠過客題詩多矣歐陽文忠公獨稱徐
介之詩云來接汨羅水天心知所存故教工部死來伴
大夫魂流落千古風騷共一源消滅傷往事斜日懸

顏垣

畿邑扶溝有白鶴觀向才翁子美壁間留題二絕周元即

中知是吾一愛之作詩紀其美公卿知者韓公詩最佳詩

云二蘇遺迹匿仙局賢宰古來為發明字久半隨風雨

駭氣豪猶入鬼神驚直疑鸞鳳翥雲去不假江山到地

清人對盛時須自勉酒豪顛州尚垂名

三閩大夫屈平字靈均泥沙之處汨羅江在岳州境內正

廟以漁父配享唐末有洪州衙前軍將忘其姓名題一

絕云蒼藤古木幾經春舊祀祠堂小水濱行客謾陳三

酌酒大夫元是獨醒人自後能詩者不敢措手

唐東京政平坊安國觀明皇朝玉真公主所建女冠多上

陽退宮嬙盧尚書有詩云夕照紗窗起暗塵青松遶殿

詩話卷之五
不知春請看白髮誦經者半是官中歌舞人劇談錄

唐相段文昌家江陵少以貧窶脩進常患口食不給每聽

曾口寺鍾輒詣謁食為寺僧所厭自此乃齋後扣鍾冀

其晚留而不逮食後入登台座出連大鎮拜荆南節度

使詩題曾口寺云曾遇閣黎飯後鍾蓋為此北夢瑣言古今詩話

載此詩是唐相王播題揚州佛寺有全篇云上堂已了各西東慚愧閣黎飯後鍾三十年前塵土面而今始得

碧紗籠今言段文昌乃江陵人所傳誤

懷素甚在郡東五里橫隴之上唐開元中有僧懷素居是

臺學者因謂之懷素其臺今有墨池筆塚存焉裴說有題

懷素臺歌云我呼古人名鬼神側耳聽杜甫李白與懷

素文星酒星艸書星永州東郭有奇怪筆塚墨池遺迹

在筆塚低低高似山墨池淺淺深如海我來恨不已

得青天化為一張紙高聲喚起懷素書搦管研朱點

湘水欲歸家重歎嗟眼前有三箇字枯樹槎烏梢蛇墨

老鴟零陵總記

白沙驛在永州一百二十里祁陽縣下臨湘水西岸門外

有亭以形勝盡在此也開寶初左補闕劉能奉詔之九

疑維舟於此留詩云窗外秋聲湘瑟怨檻前竹色楚帆

飛又云懶向九疑岐路望渡頭雲雨正霏霏

法華寺在永州東南一里高阜之上城郭崗巒交相掩映

唐咸通中有陀頭蔣氏愛其地乃拖鉗行丐獲金帛鉅

萬以創萬焉名之無不留詠沈彬云地隈一水巡城轉

詩話卷之十六
天約群山附郭來又孟賓于地人家凭檻見遠山秋色捲簾看可謂盡其狀

朝陽岩在永州城西南一里餘元結所名也以其東向日先照故名杜陵有歌云朝陽岩下涓水涔朝陽洞中寒泉清零陵城郭夾涓崖岩洞幽音當郡城荒蕪自古人不見零陵徒有先賢傳水石為娛安可忘長歌一曲留相勸又有牛叢詩云礪石攀蘿路不迷曉天風好浪花低洞名獨占朝陽號應有梧桐待鳳栖

涓水在永州西三十步自道州營道縣九疑山中亦名營水湘水在永州北十里出自桂林海陽山中經靈渠北流至零陵北與涓水合二水皆清此一色高秋八月

雖文餘可以見底自零陵合流謂之瀟湘經衡陽抵長沙入洞庭秦韜玉有詩云女媧羅裙長百尺搭在湘江作山色又云嵐光楚岫和空碧秋氣湘江到底清沈彬湘江行云數家魚網踈雲外一岸殘陽細雨中僧齊已瀟湘詩云二水遠難論從離到坎奔冷穿千嶂陌清過幾州門又云月來無夜底雲度見秋痕何涓有詩云鴈影數行秋半逢漁歌一聲夜深發皆曲盡其妙

沿溪在永州北百餘里流入湘江溪水石奇絕唐上元中總管經畧使元結罷任居焉以所著中興頌刻之崖石顏真卿書結復為涪臺石堂西峰四厭亭銘皆刻于石崖上皇朝乾德中左補闕王仲知永州維舟於此留詩

云湘川佳致有涪溪元結雄文向此題想得後人難以
繼高名長與白雲齊

淡塘在永州北三十里其水有九十九源昔有居人文潭
好農務穀乃築塘以灌田百姓利之立碑紀其功霸國
時碑猶在塘中長興初黃損為永州團練副使求為別
業有詩曰傍水野禽通體白釘盤山果半邊紅損去為
居民劉氏所有並同前

鴛羊山在長沙縣北二十里本名東華山亦謂之石寶山
上有仙壇丹竈湘中別記云昔郡人成君平年十五兄
使牧鴛羊忽遇一仙翁相將入此山兄後尋至山中見
君平因問所牧鴛羊何在弟拍白石曰此是也遂驅起

令隨兄去旬日却還山下復化為石今猶存焉因名此
山為鴛羊山畢田詩云羽客何年此鍊丹尚留空竈鎮
孱顏雲中雞犬仙應遠山下鴛羊石轉頑湘渚幾因滄
海變遼城無復令威還何年仙馭還來此盡遣飛騰上
九關幽閑鼓吹

醉鄉湘中別記云後漢時有人在此鄉忽經醉經三晝夜
始醒猶有酒氣言與天神共飲乃示後任陽羨令每言
歲之豐儉無不驗俄亦仙去畢田詩云三宿酣神耐鄉
名因此呼山中千日者自合是仙都同前

水簾朱陵洞口有泉自洞而去巨石橫峻壁立千仞一派
飛下如紋簾之狀畢田詩云洞門千尺掛飛流玉碎珠

言詩經卷之六
聯冷噴秋今古不知誰捲得綠蘿為帶月為鈎湘中故事

凝碧在南岳石橋上畢田詩云四面山屏疊萬重古嵐濃
翠鎖寒空清秋獨倚危闌立身在琉璃世界中

擲鉢峯湘中山水記云昔惠思禪師居般若臺嘗擲鉢泉
之赴陳帝召畢田詩云應將鉢渡闢神通擲去乘將赴

帝宮爭似嶺頭提不起于今相續闡真風

石霜山寺南在溜陽縣南八十里有崇勝禪寺昔普會禪

師居衆千餘名其堂曰枯木蓋取其晏寂也廉使丞相

裴公嘗親往大旆詣之蓋留玉環象笏在此迄今存焉

畢田詩云石上泉華噴猛霜境奇因此闢禪坊使君環

笏留何用枯木千餘滿一堂

大哀州在湘陰縣西三十里圖經云昔舜南狩二妃尋之

至此而聞舜葬於九疑博物志云舜崩於蒼梧二女以

涕揮竹竹盡成斑畢田詩云玉輦南巡去不還翠娥望

斷楚雲間波寒刺寫哀絃怨露冷偏滋泪篠斑一水盈

盈傷遠目九峰巉巉慘愁顏荒洲千古淒涼地半掩空

祠向暮山

神鼎山在湘陰縣東北絕頂有丹井於此獲藥鼎及巨人

跡云神仙所履之跡因此名為神鼎故畢田詩云玉趾

分明印絕巔藥成仙去幾千年深藏寶鼎今方出合得

丹經與世傳

香水湘中別記云在縣郭內其水甚香昔合餘水即變昔

年嘗貞此水民多困弊至齊末以來因廢罷以板覆之
上起塔今猶存湘鄉本謂之湘香蓋由此而名列于曰
壺頂有口名曰滋穴其水涌出名曰神漢莫過椒蘭味
過醪醴畢田詩云坎上浮圖已拂天椒蘭餘馥尚依然
九重無復脩常貢空有香名與邑傳並同前

鄧峰水庵王南禪師法子魯直恨不識有自慶者事亦甚
久即以慶主黃龍叢林於慶改觀及與語多解體山谷
過水庵題曰寧得胡兒馬便休休嗟李廣不封侯當時
射殺南山虎仔細看來走石頭冷齋話

東坡愛西湖詩曰若把西湖比西子淡粧濃抹也相宜余
宿孤山下讀林和靖詩句句皆西湖寫生時天姿自然

不施鉛華再作詩書壁曰長愛東坡眼不枯解將西子
比西湖先生詩妙真如畫為作春寒小谷圖

前輩訪人不遇不書壁東坡作行說不肯書牌惡其特地
只書壁耳候人未至則掃墨竹荆公訪一高士不遇題
曰墻角數枝梅凌寒獨自開遙知不是雪為有暗香來
潘大臨工詩城谷九喜之謝無逸以書問有新作否荅曰
秋來景物件件是佳句恨為俗氣所蔽昨日滿林風雨
起題壁曰滿城風雨近重陽忽催租入至遂敗意止此
一句奉寄聞者咲其迂闊

詩話總龜卷之十六

增修詩話總龜卷之十七

紀實門上

仁宗正月十四日御樓遣中使傳宣從官曰朕非好遊觀
與民同樂翌日蔡君謨獻詩云高列千峰寶炬森端門
方喜翠華臨宸遊不為三元夕樂事還同萬衆心天上
清光留此夜人間和氣閣春陰要知盡慶華封祝四十
餘年惠愛深東齋錄

李叅少有吏材 仁宗奇之殿柱題其名有繁劇人所避
者必用叅自將作監簿推至右丞相密直學士元豐中
卒李師中以詩弔之曰當年殿柱題名處詩史

嶺南謂村市為墟柳子厚詩云青箬裹鹽歸洞客綠荷包

飯趣墟人青箱雜記

夏文莊謫守黃州時龐穎公為郡掾文莊識之優待穎公
有病意謂不起文莊親視之曰異日當為貧宰相亦有
年壽疾非所愛穎公曰宰相豈得貧耶文莊曰一等人
中貧亦故穎公作退老詩曰田園貧宰相圖史富書生
張侍郎錫年八十有喜子登第詩曰御榜今朝至見名
心始安尔能俱中第吾遂可休官賀客留連飲家書及
覆看世科雖不繼得慰二親難張氏常有中申科者故
有世科之語

張選傳文懿一遜趙少保叔平繁張樞相昇皆壽八十六
陳丞相文惠堯佐壽八十二杜丞相正獻行壽八十一

亦和文忠弼壽八十文惠致政退傳詩曰青雲岐路
遊將遍白髮光陰得最多

天聖中李康請公若谷慶曆公邯鄲公叔皆知滑州后八
年審言又知前此邯鄲云迎康請公到滑康請題詩於
州解曰滑守如今是世官阿戎出守自金鑿郡人莫訝
留題別孫息期同住此看後番言刊石紀其事同前
元豐初王仲效王建作官詞百首獻之頗有意思詩云太
皇生日最尊榮獻壽宮中未五更天子捧觴仍再拜寶
慈侍立到天明寶慈皇太后官名太后幸景靈宮駕前
露面雙童女詩曰平明綵仗聳靈宮紫府仙童下九重
整頓瓏璁時住馬畫工閣地貌真容古今詩話

張九齡在相有寒謫匪躬之誠明皇怠於政事李林甫陰中傷之方秋明皇令高力士持白羽扇賜馬九齡作歸燕詩貽林甫曰海燕雖微眇來春亦暫來豈知泥滓濺只見玉堂開捷戶時雙入華堂日幾迴無心與物競鷹隼莫相猜林甫知其必退恚怒稍解明皇雜錄

段文昌廣都縣人父以賣油為業生而多智長亦有文章跨驢行鄉里笑之三十年間衣錦歸蜀蜀人贈詩曰昔日騎驢學忍飢今朝忍看錦衣歸等閒畫虎驅紅旆可畏登龍入紫微富貴不由公祖解文章生得羽毛飛廣鄉再去應惆悵猶有江邊舊釣磯鑑戒錄

古司廬州人不事產業以至困窮常投福泉寺僧

飯而已其學未嘗廢三十年間持節歸鄉里及境至廣房言壁曰二十年前此布衣鹿鳴西上虎符驛行時賓從過前事到處松杉長舊園野老共遠官路拜沙塵送認隼旗飛春風一宿琉璃殿惟有泉聲似素機雷州及海外瓊崖多香木夷民以為糟飼雞犬鄭文寶詩曰沉檀香植在天涯賤等荆衡水面槎何必為糟飼雞犬不如煨燼向豪家

建州山水奇秀剡寺落落相望為唐建安寺三百五十一建陽二百五十二浦城一百七十八崇安八十五松溪四十一蘭隸五十二僅千區杜牧江南絕句云南朝四百八十寺謂是也

劉經為虜政事舍人來奉使路中有野韭可食味絕佳作
詩云野韭長猶嫩沙泉淺更清並同前

張弘靖三世掌綸告東鈞軸楊巨源詩云伊陟無聞祖
賢不到孫時稱其善與張家說家門巨源燕居吟咏年
老得疾頭數徎人言吟咏習成詩史

張鎬少有大志遊京師未始知名嗜酒鼓名人有邀之策
杖而徎大醉即歸言不及世務楊國忠薦為右拾遺不
二年由諫議大夫擢中書侍郎平章事杜少陵云張公
一生江海客身長九尺鬚眉蒼蒼名起遙遇風雲命扶
顛始知籌策良正謂鎬

王元之出守黃州時蘇易簡榜下放孫何等二百五十

八人奏曰禹偁禁林宿德累為遷客飄泊可念臣等
令榜下諸生罷集綴馬送于郊奏可送過四短亭諸生
列拜于官橋元之口占一絕付狀元為我深謝公其
詩云綴行相送我何榮老鶴乘軒槐谷鶯三入承明不
知舉看人門下放諸生時諸親友觀望不敢私近惟賈
元賓執手於閣門曰天平天平得非命歟公以詩謝其
略曰惟有南宮實員外為余垂淚閣門前

文潞公居伊洛日年七十八同時中散大夫程朝議大天
司馬旦司封郎中致仕席汝言皆年七十八嘗為同甲
之會各賦詩潞公詩曰四人三百十二歲况是同生甲
午年占得榮園為賦客合成商嶺採芝仙清談亶亶

詩話卷之十七
風生帝素髮飄飄雪滿肩此會從來誠未有洛中應作
畫圖傳

荆公罷相知金陵有詩曰投老歸來一幅巾君恩猶許備
藩臣芙蓉堂下疏秋水聊與龜魚作主人再罷相以會
靈觀使居鍾山又作詩曰乞得膠膠擾擾身江湖波浪
替埃塵只同鳧雁為閑侶不與龜魚作主人

荆公初拜相以未謝坐閣門不見客一二門生侍坐但見
顰蹙不言徐題詩於空曰霜筠雪竹鍾山寺投老歸歟
寄此生放筆而起人莫測其意

國朝內相服金帶朱衣一名前引兩府則金球文帶佩魚
朱衣二人謂之重金望兩制人者則曰眼前何日赤腰

下幾時黃望兩府人者則曰眼赤何時兩腰黃甚日重
熙寧中高麗使人至京師求王平甫詩有旨令京尹元厚
之抄錄以賜厚之自詣平甫求新著平甫以詩戲之曰
誰使詩仙來鳳沼欲傳曾愛過雞林

福唐有老嫗當壚有舉子謂嫗曰吾能與爾致數十千乃
令嫗作酒帘題曰下臨廣陌三條闊斜倚危樓百尺高
太守王祠部達見之大喜呼嫗與錢五千酒一斛蓋詩
乃王公詠酒旗詩平生最得意者

大社二祭多差近臣王禹玉在兩禁二十年熙寧間為翰
林學士復被差題詩於齊宮曰鄰雞未動曉驂催又向
靈壇飲福盃自笑治聾知不足明年強健更重來

關右人或作京師語音俗謂之獠語士大夫亦然有太常
博士楊獻民河東人時鄜州脩城差望青砍木作詩寄
僚友曰縣官伐木入烟蘿匠石須材盡日磨蓋以鄉音
呼忙為磨也士人而狗俗不典可笑

魏仲先贈萊公詩曰有官居鼎鼐無宅起樓臺真宗即位
北使至錫宴惟兩府預焉北使歷視坐中間譯者曰孰
是無宅起樓臺相公丁晉公令譯者曰南方須大臣鎮
撫寇公撫南夏非久即還古今詩話

元微之自會稽拜尚書左丞到京未逾月出武昌詩贈夫
人裴氏曰第冬到鄉國正歲別京華自恨風塵眼看他
遠地花碧懂遂照耀紅粉莫管嗟嫁得浮雲婿相隨即

是家夫人答曰使門初擁節御苑柳絲新不是悲殊命
惟愁別近親黃鸝啼古木朱履從清塵想到千山外滄

江正暮春

正元中李摯以宏詞振名與李行敏同姓同年登第又同
歲及同門摯答行敏詩曰因緣三紀異契分四般同
武宗怒一宮嬪謂柳公權曰得學士一詩當釋之遂進詩
曰不忿前時悞主恩已甘寂寞守長門今朝却得君王
顧重入椒房拭淚痕

柳公權從事未央宮文宗謂曰有一喜事邊上賜衣久不
時今年二月已給公可賀我以詩公權進詩曰去歲雖
無戰今年未得歸皇恩何以報春日得春衣

詩話卷之十七
韓績僕射請韓熙載為父撰神道碑玆貨外仍輟一姬為
潤筆韓受姬及文成但叙譜系品秩及薨葬哀贈之典
而已績嫌之乃封還意其改竄熙載亟以歌姬并玆贈
還之姬登車書一絕於泥金雙帶云風柳搖搖無定技
陽臺雲雨夢中歸他年蓬島音塵斷留取尊前舊舞
衣同前

雄州安撫都監稱宣事云虜中好樂天詩聞虜有詩云樂
天詩集是吾師

白樂天一舉登第作詩曰慈恩塔下題名處十九人中取
少年時年二十七

大和二年崔郾侍郎東都放榜西都過堂杜紫微第五人

啓第作詩曰東都放榜未花開三十三人走馬迴秦地
少年多釀酒却將春色入關來

寶曆中楊嗣復相具慶下繼放甲榜時無僕射自東洛入
朝嗣復率生徒迎于潼關宴于新昌里第元白在焉皆
而席賦詩楊汝士詩後成元白覽之失色詩曰隔座應
須賜御屏盡將仙翰入高冥文章舊價留鸞掖桃李新
陰在鯉庭再歲生徒陳賀宴一時良史舊傳馨當時疏
傳雖云盛記有茲筵醉醲汝士是日大醉歸謂諸子
曰今日壓倒元白

何扶大和元年登第明年再捷以一篇寄同年曰金榜題
名墨尚新今年依舊去年春花開每被紅粧問何事重

來只一人並同前

紫閣山老僧文聰說晏相來遊山獼猴萬數遍滿山谷僧言未嘗如此之多晏詩尋添獼猴之句雅志

王沂公與李文定公連接榜取殿魁又相繼秉鈞軸文定鎮并門公均勞逸本鄉作詩寄之略曰錦標得雋曾相繼金鼎調元亦荐更并士兒童公再見會稽幢紱我先榮或曰如此名實何由企及續歸田錄

潘閻在舒州瀟山寺為行者題詩鍾樓云遠寺千千萬萬峰忘第二句頑童趁暖貪春睡忘却登樓打曉鍾係僅為郡官見詩曰此潘道遙也告寺僧呼行者潘已亡去貢父詩話

越州鰻井在應天寺井在一盤石上高數丈井纔方數寸乃一石竅也深不可知徐浩詩云深泉鰻井開即此也其來亦遠鰻時出遊人取之置衣袖間了無驚猜如鰻而有鱗耳其大尾有刃跡相傳黃巢曾以劍砍之凡鰻出必有水旱疫癘之疾鄉人以此候之

學士院有雙鵲嘗栖於西軒海棠枝上每學士會食必徘徊翔集於玉堂之上略無驚畏因謂之靈鵲時或鳴噪必有大詔令或宣召之事故晁公見和詩云却聞靈鵲心應喜并予宿直詩云靈鵲先依玉樹栖二詩出樞庭集金坡遺事

鼎州甘泉寺介官道之側泉甚佳便於漱酌行客無不留

者寇萊公南遷題東檻曰平仲經此望北闕黯然而行
未幾丁晉公又過題西檻曰謂之酌泉禮佛而去後范
諷補之安撫湖北題詩曰平仲酌泉方北望謂之禮佛
向南行烟嵐翠鎖門前路轉使高人厭寵榮古今詩話
退傳張登晚春乘安輿出南薰門繚繞都城遊金明池抵
宿指宜春門入關吏捧牌請官位書云閒遊靈沼送春
回關吏何須苦見猜八十老翁無品秩三曾身到鳳池
來同前

增修詩話總龜卷之十七

乙集終

增修詩話總龜卷之十八

丙集

舒城阮一閱編
皇明宗室月窓道人刊
番易程玃校

紀實明中

趙平叔客漣水軍郡守召置門下數年平叔以館職守漣
水後守以所居為豹隱堂石曼卿有詩云熊非清渭逢
何暮龍卧南陽去不還今郡守蔚然惟在立談間士大
夫留詩甚多莫可偕者古今詩話

煬帝好食蛤忽有一蛤椎擊不破異之寘于几下一夜有
光肉乃自脫有一佛二菩薩像悔之乃不食蛤商凝式

有詩云雖因雀變化不逐月虧盈縱有天中像神功詎
可成又云相好合如梵端嚴祕為誰寧同頑惡且與
鷓相持

西洛上清宮混元后有吳生畫五聖杜甫詩云五聖聯龍
袞千官列鴈行謂是也

刁約使契丹詩曰押燕移離畢看房賀跋支餞行三匹裂
密賜十貌狸皆紀實也移離畢官名如中國執政官賀
跋支如執衣防閣匹裂小木懼以色綾木為之如
黃漆貌狸形如鼠而大穴居食穀梁嗜為狄人為珍膳
味如豚肉而脆

川陝呼梢工篙手為三長老杜詩云長年三老歌聲裏白

馬淵前白浪中

三氣有早晚天時有愆伏如平地三月花者深山四月方
花樂天遊大林寺云人間四月芳菲盡山寺桃花始盛
開同前

張乖崖鎮宛丘邸報王文正大拜不悅謂坐客曰朝廷肯
用經綸康濟人乎余少以直節自誓束髮登用無兩府
心幕中杜壽隆曰固知公無兩府意公曰吾胸中事爾
安得知杜曰嘗見公柳詩云安得辭榮同范蠡綠絲和
雨繫扁舟

雍陶知簡州自比謝宣城柳吳興賓客則挫辱投贄者少
得見之馮道明下第請謁給閤者曰與太守故舊及見

呵責曰與公昧平生何故護之有道明曰誦公詩得相見何隔平生遂吟雍詩曰立當青草人初見行近白蓮魚未知閉門客到常如病滿院花開未是貧江樓秋入峽雨葉夜侵樓雍厚之

元和十一載李源公榜三十三人皆取寒素時詩曰元和天子丙申年三十三人同得仙袍似爛銀文似錦相將白日上青天

撫州有放生池禁採捕忽有乘小舟釣於其上太守蔡大夫令人捕之釣者為詩曰投却長竿捲却絲手携筍笠獻新詩明知太守清如磬况不是漁人下釣時乃野人張項同前

薛能尚書鎮彭門時溥劉巨容周岌俱在麾下未數年溥領徐巨容鎮襄岌領許俱假端揆故能詩舊將已為三僕射病身猶是六尚書

王拱辰守長安日初禮上理掾口號云人間合作大丞相天下猶呼小狀元梅摯知錢塘有一掾官撰札上曲子云黃閣方開金鼎調羹只待梅皆著題

孟賓于字國儀連州輔國鄉人天福中自湖湘越京洛應舉遂人無援遂卜命於華山神妓有如一年乞一玃凡六擲得止上大言每年下第有詩令略舉一聯用表其

第一年云蟾宮空手下澤國更誰來二年云水國二應探榜龍門三月又傷春三年云仙島却回空說夢清

言言紀事卷之十一
朝未達自嫌身第四年云失意從他桃李春嵩陽經過
歇行塵雲僧不見城中事問是今年第幾人五年云因
逢日者教重應恐被雲薄勸却歸天福九年禮部侍郎
符蒙下及第果六舉後往江南官至水部郎中致仕居
吉州王笥山復知豐城縣年七十餘卒郡閣雅談

煬帝時洛陽進合帶迎輦花得之嵩山塢中人不知名採
者異之因以名迎輦花濃艷芬馥或惹襟袖移時不散
嗅之令人不睡命寶兒持之號曰花女寶兒姓袁長安
進御車女年十五腰肢纖弱時詔虜世南草征遼德音
於側寶兒注視久之煬帝謂世南曰舊傳飛燕可掌上
舞今得寶兒方昭前事注目於卿卿才人可使嘲之世

南應詔為絕句曰學畫鴟兒半未成垂肩大袖大憨生
綠憨却得君王惜長把花枝傍輦行帝悅龍舟鳳舸每
舟擇妙麗長白女子千人執雕檀金楫號殿脚女一日
煬帝凭殿脚女吳絳仙有喜柔麗不與群輩齒愛絳仙
善畫長眉將拜婕妤適早嫁萬部故不克顧內謁者云
古人云秀色若可飡如絳仙真可樂飢矣因吟持節篇
賜之曰舊曲歌桃葉新粧艷落梅將身倚輕楫知是清
江來詔殿脚女千輩唱之越溪進糴花綾綾文突起有
光彩越人乘樵風泛舟石帆山下收野蠶縑絲女夜夢
神人告云禹穴三千年一開所得蠶即江淹文集巾壁
魚所化絲織為裳必有奇文織成果得所夢獨賜司花

言言集卷之十一
女洎絳仙蕭妃恚怒不懌由是稍稍不親幸煬帝嘗醉
遊宮中偶戲官婢羅羅畏妃不敢迎帝辭有程姬之疾
不可薦寢帝嘲曰個人無賴是橫波黛染龍顙發小娥
幸有留儂伴成夢不留儂任意如何煬帝往往為姑崇
所惑遊維臺恍惚與陳后主相遇喚帝為殿下后主戴
簾紗皂幘綽袖長裾綠錦純綠紫文方平履舞女數人
即麗華也以綠文測海蠡酌紅梁新醞勸帝飲因請麗
華舞玉樹后庭花麗華辭以拋擲歲久自井中出腰肢
旅拒無復往時再三索起終一曲后主詠十數篇煬帝
不記獨愛小憲詩及寄侍兒碧玉詩云午醉醒來曉無
人夢自驚後二句詩史謂是唐人宋咸作夕陽如有意偏傍小窓明碧

玉詩云離別腸應斷相思骨合銷愁魂若飛散憑仗一
相招麗華拜求帝一章辭以不能麗華笑曰嘗聞此處
不留儂自有留儂處安可言不能煬帝強為之操觚曰
見面無多事聞名汝許時坐來生百媚實箇好相知麗
華赧然不懌后主問龍舟之遊樂乎始謂殿下致治堯
舜之上今日復此逸遊人生各圖快樂曩時何見罪三
十六封書使人至今快快煬帝叱之不見帝幸月觀清
景晴明左右皆寢凭三妃肩說東宮時事適黃門映蓄
薇叢調宮婢衣胸蓄薇吃吃聲笑帝望腰肢纖弱意望
寶兒披單衣亟擒乃雅娘蕭妃喟然不止帝曰往年幸
安娘時倩態正如此曾效劉孝淖為離憶詩嘗念與妃

記之否蕭妃即念云憶往來待來剛不來卸粧仍索伴
解佩更相催博山思結夢沉水永成灰憶起時投籤初
報曉被惹香黛殘枕隱金釵裊笑觀上林春除却司辰
鳥煬帝云日月遙邁今已幾年事矣大業拾遺

襄王僭偽逼李拯為偽官拯嘗吟白紫宸朝罷綴鴛鴦丹
鳳樓前駐馬看惟有終南山色好清明依舊滿長安拯
終為亂兵所殺商部新書

裴皞官至禮部尚書放三榜四人拜相桑維翰實正固張
礪馬裔孫清泰二年馬裔孫知貢舉纔放榜謝恩引諸
生詣座主宅謁拜裴公以詩示云宦途最重是文衡天
與愚夫著盛名三主禮闈年八十門生門下見門生人

開宴商孫登庸郡關雅誌

吳長文使虜詩云奚車一牛駕朝馬兩人騎雜誌

昔執政有詩云躁因脩賀刺懶為答空書又有省判者云
省府舊例不答空書同前

文德殿百官常朝之殿宰相奏事畢乃來押班常至日旰
守堂卒好以厚朴湯飲朝士朝士有久無恙遣厭苦常
朝者戲為詩曰立殘庭下梧桐影喫盡塔頭厚朴湯古
今詩話

李德誠加司空守臨川湯文圭草麻德誠濡毫之賂久而
未至以詩督之曰紫殿西頭月欲斜曾草臨川上相麻
潤筆已曾關奏謝更飛章句問張華時皆少之

馮延魯公出使閩中催督軍糧急於星火李建勳以詩寄之曰粟多未必全為計師老須防有伏兵既而福州之兵果為越人所敗及歸還司空累表乞致政自稱鍾山公詔授司徒不起學士湯悅致狀賀之建勳以詩答曰司空尤不作那敢作司徒幸有山公號如何不見呼先是宋齊丘自京口求退於青陽號九華先生未周暮一詔而起時論薄之建勳年德未衰時望方長重或有以此宋公者因為詩曰落花流水雖相似不學劉郎去又來南唐近事

化度寺內有無量壽菩薩像日漸崇盛武德貞觀后錢帛金玉積聚不勝計常使名僧監藏為等分一分供天下伽藍脩理之用一分施天下飢餓一分充舊供無遮之會城中士女奔走捨施爭次不得至暮收獲亦鉅萬有大車載錢帛捨了弃去不知姓名者多矣藏內物天下寺院許容來取供給亦不可勝數不阻貞觀年中更有裴克智戒行修謹寔是修行高人入寺洒掃十年有餘寺中觀其行無玷缺使之守藏不覺被盜去黃金極多將去不可知數寺衆見潛走去後不還衆僧驚異遂於元智寢房內看壁上有詩四句曰將肉遣狼守置骨向狗頭自非阿羅漢焉能免得偷后莫知所之武后遂移藏東都福光寺日久錢物漸耗却移歸舊寺至開元九年發散錢帛於京師諸寺二京靈異小錄

僕在吳興遊記元卿詩曰微雨止還作小窓幽更妍盆山
不見日草木自蒼然非至吳越不見此景百斛明珠
舊讀蘇子美六和寺詩云沿橋待金鯽竟日獨遲留初不
喻此語及俸錢塘乃知寺後池中有此魚如金色復遊
池上投餅餌久之略出不食后入不可見自子美作詩
至今四十年已有遲留之語苟非難進易退而不妄食
安能如此壽耶同前

京師風物繁富士大夫牽於事役良辰美景罕宴遊之樂
其詩至有賣花檐上看桃李拍酒樓前聽管絃之句桂
堂閑話

張喬九華人咸通末取京兆府解李建州時為京兆府參

軍主試同時有許棠及喬俞坦之劇燕任濤吳罕張蟾
周繇鄭谷李栖遠溫憲李昌待謂之十哲其年府試月
中桂詩喬擅場詩曰與月長洪濠扶踈萬古同根非生
下土葉不墜秋風每向圓時足還隨缺處空影高群木
外香滿一輪中未種丹霄日應虛白兔宮何當隨羽化
細得問元功其年以許棠在場屋多年為薦者喬許坦
一在許下薛能尚書深知以詩唁二子云何事盡參差
惜哉吾子詩日令銷此道天亦負明時有路當重振無
門即不知何當見堯日重與啜澆漓據言

僕初入廬山山谷奇秀平生所未見殆應接不暇遂發意
不作詩已而見山中僧俗皆言蘇子瞻來矣不覺作一

絕云芒屨青竹杖自挂百錢遊可恠深山裏人人識故
侯阮自悔前言之謬又作兩絕云青山若無素偃蹇不
相親要識廬山面他年是故人又云自昔懷清賞神遊
杳靄間如今不是夢真箇是廬山是日有以陳令舉廬
山記見寄者且行且讀見其中云徐凝李白之詩不覺
失笑旋入開元寺僧求詩因作一絕云帝遣銀河一派
垂古來惟有謫仙辭飛流戩沫知多少不為徐凝洗惡
詩往來南北山十餘日以為勝絕不可勝談擇其尤者
莫如漱玉亭三峽橋故作此二詩最後與總老遊西林
作一絕云橫看成嶺側成峰到處看山了不同不識廬
山真面目只緣身在此山中余廬山詩盡於此

百解明珠

余在岐下見秦州進一馬駿如牛項垂胡側立顛倒毛生
肉端蕃人云此肉駿馬也乃知鄧公駿馬行云肉駿碾
礪連錢動當作肉駿

唐人煎茶用薑故薛能詩云鹽損忝常戒薑宜著更誇據
此則又有用鹽者矣近世有用此二物者輒大笑之然
茶之中等者用薑前信佳鹽則不可

安定郡王以黃柑釀酒謂之洞庭春色色香味三絕以餉
其尤子德麟德麟以飲予為作詩醉后信筆頗有杏拖
風氣云去年洞庭秋香霧當喫手于今洞庭春玉色疑
非酒賢王文字飲醉筆蛟蛇走既醉念君醒遠餉為我
壽瓶開香浮坐盞凸光照牖方傾安仁醯

潘岳賦云披黃袍以授酒

詩話總龜卷之十八
置纏甕以酌醢莫遣公遠嗅要當名字奇未可論升斗應呼釣
詩鈞亦號掃愁筭君知葡萄惡正是嫫母醜須君灑海
盃澆我談天口並同前

增修詩話總龜卷之十八

增修詩話總龜卷之十九

紀實詞下

世人畫山水竹石不假五色而成未有以畫花者汴解獨
能之因賦詩云造物本無物忽然非所難花心起墨暈
春色散毫端縹緲形纔就扶踈態自完蓮花悉顛倒杏
雨半披殘幸有狂居士求為黑牡丹兼書平子賦歸去
雪堂看百斛明珠

十一月三日與幾先自竹西來訪慶老不見獨與君卿供
奉蟾知客東閣道話久之作詩云卷卷長廊走黃葉席
席垂地香烟歇主人待來終不來紅火消盡灰如雪
嶺南氣候不常吾嘗云菊花開時乃重陽涼天佳月即中

秋不須以日月為斷令歲九月殘暑方退既望之後月
出愈遲余嘗夜起登合江樓或與客遊豐湖栖禪寺扣
羅浮道院登逍遙堂逮曉乃歸杜子美云四更山吐月
殘夜水明樓此古今絕唱因其句作五首仍以殘夜水
明樓為韻云一更山吐月玉塔卧微瀾正似西湖上湧
金門外看冰輪橫海闊香霧入樓寒停鞭且莫上照我
酒盃殘二更山吐月幽人方獨夜可憐人與月夜夜江
樓下風枝久未停露州不可藉歸來掩關卧唧唧幽夜
話三更山吐月棲鳥夜驚起起尋臺中遊清絕正如此
驅雲掃泉溜俯仰迷空水幸可飲我牛不須遠洗耳四
更山吐月皎皎為誰明幽人赴我約坐待玉繩橫野橋

兩斷板山寺可微行今夕定何夕臺中遊化城五更

吐月窓向室幽幽玉鉤還掛戶江練却明樓星河淡欲

曉鼓角冷知秋不眠翻五詠清切變絲詠

海南有五色雀常以兩絳者為長進止必隨俗謂之鳳凰
云文早而見輒雨潦則反昔吾卜居儋耳城南嘗一至
庭下今又見之黎子雲及其弟咸家洎既去吾舉酒視
之曰若為吾來者當再集也已而果然乃為賦詩云粲
粲五色羽炎方鳳之徒青黃編玄服翼衛兩綵朱仁心
知閔農常告雨霽符我窮惟四壁破屋無占烏惠然此
粲者來集竹與梧鱗鳴如玉珮意欲相嬉娛寂寞兩黎
生食菜真臞儒小圃散春物野桃凍雲膚舉杯得一笑

見此紅鸞離高情如飛鴻未易握菜呼胡為去復來春
卷豈屬吾一作予回翔天壤間何必懷此都並同前

元符三年十二月十九日東坡生日置酒赤壁磯下偃高
峰俯鵲巢酒酣笛聲起於江上客有郭元二生頗知音
謂坡曰笛聲有新意非俗工也使人問之則進士李委
聞波生日作南曲曰鶴南飛以獻呼之使前則青巾紫
裘腰笛而已既奏新曲又快作數聲嘹然有穿雲裂石
之嗟坐客皆引滿醉倒委袖出嘉紙一福曰吾無求於
公得一絕句足矣坡笑而從之詩云山頭孤鶴向南飛
載我南遊到九嶷下界何人也吹笛可憐時復犯龜茲

五局文

秦少章不見十年忽一日見訪書一篇為惠云不到王家
近十年子猷風韻亦依然舊時朋友今何在別後新詩
誰與傳余戲曰莫太犯老杜所謂不見旻公三十年封
書寄與淚潺湲一作求好事今能否老去新詩誰與傳
張嘉甫云余少年見人誦一詩所謂但存方寸地留與子
孫耕不知何人語元符三年過吳陵汪迪家出所藏水
部賀公手書乃知此詩賀所作世俗以為他人非也賀
天聖中為郎真宗東封謁於道左元祐初其二弟踰
喬者來京師云賀嘗於泰山望見東坡意甚喜之欲上
元至龜蒙東坡為作詩亦賦五篇今存嘉甫一章云方
寸平田便有餘子孫無復廢耕鋤將不死為嘉種更

向無何築隱居直方詩話

呂申公在揚州日因中秋令秦少游作口號少游有照海
旌幢秋色裏激天鼓吹月明中之句是夜却微陰公云
不着也少游乃別作一篇末云自是我公多惠愛却回
秋色作春陰參寥與余言如此余曰此真所謂翻手作
雲也

李希聲云舒王罷政事時居州東劉相宅於東院少聽題
嘗時諸葛成何事只合終身作卧龍者數十處至今尚
有三兩處在希聲劉氏壻故知其詳云曾見_{此壻亦}
只寫此兩句

滕王峽蝶江都馬一紙千金不當價異材天縱非人能畫

工不見甘為下令代風流數十年令臺落筆開山川
忘朽老壓塵眼却怪鳥鴻墮目前邇來八駿復秀出萬
里山河纔咫尺眼邊事得有突兀復似天地初開闢明
窓寫出高軒過便遂淪混聞吟哦晚知書畫真有益却
悔歲月來無多官禁脔嚴絕過訪時於僻寺聊脫鞅秀
潤如行琮璧間清明似別星辰上憂悲惆悵百不行河
擘太華東南傾平生秀句寰區滿撥捨棄置成丹青平
湖遠岫開精神陡覺文字生清新未許兩豪來甫立要
知旁有衛夫人此無已所賦宗室士陳高軒過圖詩也
初無已謂余曰近宗子節使使余作一詩皆掛名其間
得百千以為女子嫁資可乎余曰詩未成則錢不可授

詩已成則錢不可來數日無已卒士陳贈以十緡並同

盧多遜與趙普睚眦太宗踐祚凡對即傾之普出守河

陽自朝辭面訴曰臣以無狀之迹獲事累聖曩日與先

帝面受昭憲皇后命遣臣親寫二書令大寶神器傳歸

陛下以二書合縫批之立臣銜為証其一書先后納於

柩一書先帝手封禁中乞陛下尋之庶幾少雪此行身

移則事起豺狼在途危如累卵誰肯為臣辨者後果得

書於宮中疑遂決多遜竄崖州太宗謂普曰幾誤斬

卿王元之趙韓王挽詞有鴻勳書冊府遺訓在金滕之

句迺謂是也古今詩話

方勉字及甫娶許虞部女好學能詩勉嘗同妻夜看晁錯

傳許氏有詩云匣劍未磨晁錯血已聞刺客殺袁絲到

頭昧却人心處便是欺他天道時痛矣一言偷害正

之萬段始為宜鄧公墳墓知何處空對斯文有淚垂

後與故人飲於市醉犯夜禁囚於府庭時鄭毅夫作尹

許氏獻書授其夫并投詩云明時樂事偷詩酒帝里風

光剽占春况是白衣重得侶不堪青節自招人早知三

漏催三鼓不把金貂換百巡大抵仁人憐氣類不教孤

客作囚身遂釋其夫勉死許氏居陋巷教子為舉登科

賢哉同前

唐相國孫公偓寬裕通簡曾乘輅至蜀詣杜光庭受籙乃

曰嘗遇至人話及時事每有高樓之約後登庸二府竟

出宮南岳寄杜先生詩其要曰蜀國信難遇楚鄉心更
愁我行同范蠡師舉效浮丘他日相逢處多應在十洲

唐末朝廷罹穀水白馬驛之禍惟孫獲免北夢瑣言

溫庭筠字飛卿或作雲舊名岐與李商隱齊名時號溫李

一才思艷麗工於小賦每人試押官韻作賦凡八义手而

韻成多為鄰鋪假手日按數人而士行有缺措紳薄

之李義山謂曰近得一聯句云遠比郡公三十六年宰

輔未得偶句温曰何不云近同郭輔二十四載中書藥

名有白頭翁温以蒼耳子為對皆此類宣宗愛唱菩薩

蠻詞令狐相國假其新撰密之戒令勿洩而遽言於人

由是踈之温亦有言云中書內坐將軍譏相國無學也

宣宗微行遇於逆旅温不識傲然詰之曰公非司馬長

史之流乎又曰得非文叅簿尉之類帝曰非也謫為方

城縣尉其制辭曰孔門以德行為先文章為末爾既德

行無取何以補焉徒負不羈之才罕有適時之用意流

落而死杜幽公自西川除淮海温詣韋曲杜氏林亭留

詩云卓氏爐前金線柳隋家堤上錦帆風貪為兩地行

霖雨不見池蓮照水紅幽公遺絹一千匹

沈詢侍郎清粹端美神仙中人制除山東節旄京城咸誦

曹唐游山詩玉詔新除沈侍郎便分茅土領東方不知

今夜遊何處侍從歸騎白鳳凰其風采可知

唐末言成都距長安才二千里每歲隨計求名者甚鮮建

安之貢無歲無之故曰龍門一半在閩川信斯言矣前
韓魏公嘗從容議及養兵事慨然曰某有所思而得之者
未嘗以語人人未必信養兵雖非古然積習已久不可
廢又自有利處不為不深者昔發百姓戍邊無虛歲父
子兄弟有生離死別之苦議者但云不知漢唐調兵於
民獨不見杜甫石壕吏詩云暮投石壕村有吏來捉人
老翁踰牆走老婦出門看吏呼一何怒婦啼一何苦聽
婦前致詞三男鄴城成一男附書至二男新戰死存者
且偷生死者長已矣室中更無人惟有乳下孫孫有母
未去出入無完裙老嫗力雖衰請從吏夜歸急應河陽
役猶得備晨炊夜久語聲絕如聞悲幽咽天明登長途

獨與老翁別調兵於民弊乃如此石世收拾強而無賴
者養之以為兵良民雖稅歛良厚而終一身保骨肉相
聚之樂故兵能練習戰陣而豪勇可使豈可與農夫同
日而語韓魏公別錄

劉巴字子初零陵人有名於鄉間諸葛亮薦於蜀用為將
軍曹掾後為尚書令巴恭行節儉不治產業非公事不
言策命皆巴所為張飛嘗與巴宿巴不與言飛甚怒之
諸葛亮謂曰張飛雖武夫甚慕足下聲望足下雖天資
高亮宜少降意巴曰大丈夫當交四海英雄如何與兵子
語邪巴建武二年出鎮荊州卒於岳陽葬於郡西後因
巴墳遂號岳陽為巴陵時人語曰生居三湘頭死葬三

湘尾 同前

蘇子由謫高安雲安時時相過有聰禪師亦蜀人一夕雲安夢同子由聰牙五祖戒禪師既覺語子由聰亦至子由曰方與洞山說夢子今來同說夢乎聰曰夜來夢吾三人迎戒和尚子由曰世間果有同夢者父之東坡書一至曰已至奉新曰夕相見三人喜出城而坡至則以語坡坡曰軾七八歲常夢是僧又先妣方孕時夢一僧來一托宿及謫英州雲遣書至南昌坡引紙大書曰戒和尚又錯脫也後監玉局觀作偈答南華長老曰惡業相纏四十年常行八棒十三禪却着衲衣歸玉局自疑身是五通仙冷齋夜話

退之詩曰喚起窓前曙催歸日未潏無心花裏鳥更與盡情啼余見時每哦此詩了不解全意自出陝吾年五十八年時春曉偶憶此詩方悟喚起催歸二禽名也催歸子規也喚起聲如絡絲圓轉清亮偏於春曉名江南謂之春喚

老杜謁玄元廟詩曰鳳笙吹玉柱露井凍銀牀許彥周云嘉祐河濱漁網得一小石刻詩曰雨滴空堦曉無心換夕香并梧花落盡一半在銀牀銀牀并欄也莫知誰作王仲至言老杜詩曰江蓮搖白扇天棘夢青絲天棘自是一種物高秀實白天門冬也一曰顛棘非天棘也王元之詩曰水肢卧玉腕天棘舞金絲則天棘蓋柳也

韋應物琥珀詩曰曾為老茯苓元是寒松液蚊蚋落其中
千年從可覲嘗見琥珀中有物形如蜂此物自外國來
地有茯苓處皆無琥珀不知韋公何以知之

東坡海棠詩曰只恐夜深花睡去更燒銀燭照紅粧事見
太真外傳曰上皇登沉香亭詔太真妃子時卯醉未醒
命力士使侍兒扶掖而至妃子醉勻殘粧不能再拜上
皇笑曰豈醉是海棠睡未足耳作尼童詩曰應將白練
作仙衣不許紅膏活天質事見則天詔書曰天下尼童
用白練為衣

橄欖詩曰待得微甘回齒頰已輸崖蜜十分甜崖蜜事見
鬼谷子曰照夜清瑩也百花釀蜜也崖蜜櫻桃也贈

子詩曰平生萬事足所欠唯一死事見梁傳史曰世祖
宴東府詔跋陀羅至跋陀羅皓靡世祖戲曰摩訶衍不
負遠來唯有一生應曰貧道客食陛下三十載恩德幸
矣所欠者一死耳並言前

